

XXX  
CAVSS

1652

4. 8. 258

4 I. 8

XXX~~£~~

CAVSS.



ANGELVS  
PACIS

AD PRINCIPES

CHRISTIANOS,

P. Nicolai Cauffini.

ANGELVS

P A C I S

AND BENIGNVS

CHRISTIANVS

P. Nicolai Cantabrigie.

# ANGELVS PACIS

AD PRINCIPES CHRISTIANOS,

SEV

ORATIO PARÆNETICA,

QVA

Christiani Principes hortantur ad pacem.

AUCTORE

*P. Nicolao Caussino Soc. Iesu.*

Additæ sunt in fine Observationes Astrologice  
eiusdem Auctoris, quibus Astrologia  
Iudiciaria exagitur.

Ad Illustriss. D. D. Marchionem

I O. BAPTISTAM  
CAMPOREVM

Mutinensem Conuictorem Collegij Nobilium  
S. Francisci Xauerij Bononia.



BONONIÆ MDCLII.

Typis Caroli Zeneri. Superiorum Permissu.

ANGELVS

PACIS

AD PATRIAS CHRISTIANOS

EV

ORATIO PARANETICA

OVA

Christiani Principes de rebus ad pacem

AVCTORE

P. V. de la Chapelle


Abbat in de la Chapelle, de la Chapelle, de la Chapelle

Abbat in de la Chapelle, de la Chapelle, de la Chapelle

I. O. BAPTISTAM

CAMTORVM


Abbat in de la Chapelle, de la Chapelle, de la Chapelle



UNIVERSITY OF CAMBRIDGE

LIBRARY





Illustriss. D. D. Marchioni

I O. B A P T I S T Æ

C A M P O R E O

Carolus Zenerus F. P.



FFERATIS in diu-  
turna bella Prouin-  
cijs, ne prodire ve-  
reatur hic Pacis

Nuntius, consultissimè facere  
videamur, si patrocinium illi  
quæramus ab Aquilis, quarum  
fretus auspicio securus animi  
loquatur. Vinam porrò Tuæ  
illum Aquilæ facinorè planè  
cælesti raptum sistant louibus  
regnorum iura moderantibus,  
vt ijs subinde suauiora nectare  
pocula, placidissima scilicet  
de pace cōsilia, propinet. Tùm

VA

A 3

fiet

fiet tandem , vt nullæ sint amplius *Animis cælestibus ire*. Nullæ sunt sanè syderibus , quamquam illis per summum nefas Genethliacorum aliqui affingant ; sed illorum causam perorantem Caussinum tuis Ipse syderibus coronabis,erisq;tum ornamento , tum præsidio Nicolao,incruento prælio,dùm de pace disputat,cælestiq;religiosa nimirum victoria,dùm astra propugnat , egregiè triumphâti. Sic augurat animus : sic suo iubare astra persuadent . Illorum itaque benignissimo delectatus aspectu,nutut obferuabo,semper,vt eorum ductu sim felix.

A V C T O R

A D

LECTOREM.

**H**OC Opusculum cùm ante  
annos aliquot scriptum,  
Potestatibus, quæ tùm pro Summo  
Pontifice, & Rege erant, maximè  
placuisset, Typis mandari visum  
est, quòd sit iuxta spiritum Dei, pro  
omnium voto, & communi Chri-  
stiani generis bono. Tùm etiam  
quòd de Regibus honorificè, de po-  
pulis benignè, de pace piè, iustè-  
que loquatur.


8  
V. Virgilius Gal. è Soc. Iesu  
pro Illustriss. ac Reueren-  
diss. D. Archiep. Bonon. ac  
Principe.

V. D. Inuentius Tortus Poe-  
nit. pro eodem Illustriss.

V. Alexander Simoneta pro  
Reuerendiss. P. Inquisitore  
Bonon.

*Imprimatur*

Fr. Gulielmus Inquisit. Bonon.



# ANGELVS

## PACIS

Ad Principes Christianos.



Ulicet vestra, MAXIMI PRINCIPES, interpellare fastigia, stabo pro causa Dei. Angelus Pacis, Concordiæ minister, veritatis interpres, Procurator salutis. Non ille sum terribilis, & minax nuntius, qui Dauidi cælestibus prodigijs attonito flagellorum metus incussit: Ex illorum numero non sum, qui tot flagitijs immer- sam Pentapolim, funditus euertere: Non pluo sulphure; non vi- bro flammæ; non iaculo fulmi- na; sed miti quadam amentitate vernantes oliuas prætendo, quas tanta bellorum eluuio nondum

extinxit . Ex eorum cœtu & concentu venio, qui nascente Domino Pacem hominibus bonæ voluntatis cecinere . Nolite spernere Bonorum augurem, Veritatis Propugnatorem, qui vobis coram Deo in Christo loquitur .

Totius Orbis Christiani negotium est, **PRINCIPES OPTIMI**, quod apud vos ago : vestrares, quam votis & scriptis vrgeo : Dei possessio est, quam requiro; Et magni quidem momenti, ut quæ sæpè exciuerit de altaribus Sacerdotes, de Monasterijs sacras Virgines, & ex sylvis Anachoretas, ut de mutis faceret Oratores . Vocat ea quæ nō sunt, tanquam ea quæ sunt omnium molitor Deus; fingit os infantiū; dat sapientiam imperitis, cui cedere semper est optimum, reluctari difficile . Facit sæpè disertum cupido, militem necessitas . Non licet inter oppressorum gemitus silere, nec feriari per vulnera præliantium . Omnis laboranti mundo iniqua est manus, si non est officiosa .

Non detinebo vos, **PRINCIPES**  
CI.

CIPES, leuiculis rationibus: Nō illudam sterilibus figmentis, sed ipsam quam per stagnātes cruore campos, per collucentium vrbium flammās, & tot circuitus quæritis, in tranquilla sede demonstrabo Gloriam. Ac primū, permittite me de Natura Belli & Pacis, deque Iure Principum Christianorum in vtroque pauca differere: vnde satis firmā, opinor, eruentur argumenta, quibus & vestrum decus, & populorum salus sanciri possit.

Prudenter quidem admodum & argutè sapientes dixerē, Mundum istum, cuius circumflexu continentur omnia, ingens esse quoddam summi Numinis volumen, cuius Mors & Vita omniū paginarum faciunt extrema: media autem perpetuos habent & reciprocantes ab vno ad alterum decursus. Quod Vita & Mors in rerum natura, hoc ipsum præstant Pax, & Bellum in Regnorum omnium atque Imperiorum statu. Et Vita quidem riuus est à primo fonte, & portio quedam diuinæ Æternitatis, quæ prius in

cœlestem diffusa naturam, mox in terras & maria, nostrumque in orbem exundans, animarum corporumque nexu mirabiles & pænè diuinos temperat concentus. At ubi solutus est ille quo continetur nodus, statim euolat atroci mortis necessitate, omnia in suo regno rapaciùs depopulante.

Non dissimili modo Pax, maximum & præcipuum diuinæ Indulgentiæ munus, temperiem, quandam voluntatum conciliat, è qua functionum omnium acerrimus in corpore ciuili vigor, mentium alacritas, Prouinciarum non iners otium, beata ruris copia, securi aditus viarum, Regnorum opulentia, & bonorum omnium cumulus accedit. At ubi dissipata concordia, bellum intonuit, statim membrorum omnium conuulsio & dira vastitas, soluta legum vinculis audacia per ferrum & ignes ad scelera grassante, sacra profanis equantur, nocentes & innoxios promiscua vis factorum inuoluit, fiunt de claris urbibus busta, non nisi  
mi-



miserorū sanguine restinguēda.

Vix occurrit mortalitatem nostram æstimanti hec ab hominibus geri, reuulsos quispiam putet inferos, & furiarum cateruas ex tenebris erupisse, quæ speciem humana per tot atrocias consternatis hominum mentibus illudant.

Dicam equidem, SERENISSIMI PRINCIPES, quod sentio, lites & bella non nisi per cuniculos in Ecclesiam Dei sunt ingressa, patiente ad monstrum conscientia, reluctante disciplina. Et de lite quidem Paulus exclamat.

*Frater cum fratre iudicio contendit, & hoc apud infideles. am qui- Ad Corinth. 6.  
dem omnino delictum est in vobis, quod iudicia habetis inter vos. Quare non magis iniuriam accipitis? quare non magis fraudem patimini? Sed vos iniuriam facitis, & fraudatis, & hoc fratribus.*

Quale est istud edictum tonantis & fulminantis Apostoli? Quæso vos quid tandem sentiret ille qui Christianos ferre non poterat, de agro forte aut de domo litigantes, si reuiviscens aspi-

ceret infecta fidelium signis signa, collisas gentibus gentes, non unam domum, non urbem, non provinciam, sed præcipitantem Christiani nominis orbem per cædes & stupra, per ruinas, & incendia tracturas. Num ipse horreret ad immane spectaculum? Num modò imperanti similis, modò precanti, idem minax, idem lachrymis perfusus ruentes in gladios, & vulnera repressisset.

*Lib de  
Idol.*

Sed & Tertullianus in hac re, ut solet, rigidior, dum ait Dominum ea voce qua iussit Petrum exertum gladiū in vaginam mittere, omnes pariter milites Christianos discinxisse, nimis seuerè istud quidem, si omnem militiam crimen putat. Hoc est odio nocentis perdere innocentiam, dum res aliqui iustas odimus, vel sævientium audacia, vel lasciuientium petulantia corruptas. Quid esset aliud res Christiana, quam ferocium præda & infanientium ludibrium? Si non liceret iustis armis illatas ab infidelibus iniurias vlcisci? si fas non esset, Tempia ab incendijs, Matronas & Vir-

Virgines à contumelia, vrbes à vastitate, à cœde mortales defendere? Temeraria vox, quæ tot Christianorum Imperatorum, laureas, tam cæco, tamque præcipiti turbine percutit. Iure itaque ab Ecclesia extorres Manichæi, & qui eorum vestigia post tot sæcula pressere Lutherani, dum innocentiam nescio an impudentiùs assererent, an nocentiùs exarmarent.

Laudatissima omnī ævo extiterunt pro aris, focisque sumpta contra impios arma; sed fidelium contra fideles prælia sæpè damnata, & semper ægrè tolerata. Si vetus libet Testamentum spectare, multæ quidem Iudæorum & acres inter se discordiæ, multitumultus, bella plurima. Sed contra eos ferine omnia, qui à vera Religione descuerant, in fœdam Idololatriam cultusque Gentium lapsi. Dimicatum est quidem ante secessionem tribuū ab Israelitis in Beniamitas fratres feroci marte, immensa clade; sed doloris potius furor fuit ob mulierem stupenda libidine

*Judic.*

20.

vexatam, ruētis in ferrum quàm destinata vis, & iustum pro imperio certamen. Vix potuit induci magnanimus David vt Absaloni filio in thronum patris per calcata tot ciuium cadauera irrumpenti tam iustis armis resisteret, nisi mansueti animi langorem pugnaciter Ioab discussisset. Adeo fuit odiosum sanguine, & Religione fraternas inter se acies concurrere.

Quod si prima Christianorum Imperatorum numerare placet tempora, inueniemus Constantium mouisse in Iulianū, sed iam desertorem Christi, & impietatis Antesignanū; inueniemus Theodosium Magnum toto belli fulmine detonuisse in Maximum, Eugenium, Arbogastum. Sed res illi erat cum Tyrannis perfidiosissimis, qui larua Religionis inmania tegere debebantur facinorosa. Vix vltimum reperire est innocentiori æuo Principem, qui arma Christiano cruore imbueda sumpserit, nisi ob causas gravissimas. Et quidem præclarissimè Baronius animaduertit, primum

mum Crucem Cruci oppositam  
in armis, bello Constantij aduer-  
sus Magnentium. Grande (in-  
quit) nefas, nec nisi à Tyranno  
Christianæ Religionis simulato-  
re, & Imperatore hæretico in-  
choandum.

Non ignoro equidem Augu-  
stinum de hac quæstione scripsis-  
se contra Faustum, & Christia-  
norum armorum iustitiam ex  
Euangelio sanxisse, cum Ioannes  
in tanto vitæ rigore consuleti-  
bus de salute militibus minime  
suaserit baltheum abijcere, sed  
vivere contentos suis stipendijs,  
& neminem concutere, cum ipse  
etiam Apostolus dicat non sine  
causa Principes gladium porta-  
re. At si mentem eius libet agno-  
scere, deprehendemus tela om-  
nia torqueri contra insana Ma-  
nichæorum deliria, qui Christia-  
nam gentem ferro abstinere,  
etiam ad repellendas infidelium  
armorum atrocissimas iniurias  
voluere. Quasi Dei iussu prædæ  
tantum foret, & cædi destinata.  
Noluit ergo Principum Christia-  
norum in Marte iniquo aduer-

*Luc. 3.  
Rom. 13.*

sus fratres aut fouere securitatem, aut irritare potentiam. Si quidem eodem loco exclamat; *Nocendi cupiditas, vlciscēdi crudelitas, implacatus. Et implacabilis animus, feritas rebellandi, libido dominandi, Et si quæ sunt similia, hæc sunt quæ in bellis iure culpamur.*

*Aug.* Quos igitur existimamus ex S. *contr.* Augustini sententia, bello iniusto se suosque committere? *Faust.* *lib. 12.* Primum qui cæco impetu in ferrum rapiuntur non tam amore iustitiæ, quàm ardore vindictæ; Qui iniuria aliqua laceffiti supra modum atque immaniter desæuiūt, qui placari nolunt, volunt irasci; deinde qui aduersus legitimos dominos rebelliones moliantur, & excusso iugo feruntur in scelera præcipites. Aut qui sola dominandi cupiditate vicinorum tentant & permiscunt regna, atque vt latius imperent, cædibus, & flammis iter ad dominatum aperiunt.

Cogitate nunc, PRINCIPES Optimi, quàm proclive sit in istis astuare iracundia, vri libidine  
vin-

vindicandi, titillari regni aut parandi, aut augendi cupiditate. Quàm promptum sit laxatis semel habenis extra limites ferri, fingere iustitiam, prætexere necessitatem, & quæ adoraueritis iura calcare; inuenietis profectò facilius esse arma ponere, quàm temperare.

Sed ne multo vos sermone detineam, Sanctus Doctor tria S. Tb.  
2. 2. 7. requirit ad bellum ritè cōficiendum. 40. Auctoritatem Principis, causam iustam, intentionem rectam; quibus alij addidere Theologi legitimas rationes ad finem obtinendum. Non est igitur priuatorum hominum mouere arma quibus ius suum licet iudicio prosequi. Hoc penes summam potestatem Deus esse voluit, ut rarum esset quod non potest esse non violentum. Ad terrarum dominos attinet dicere, quod ait Seneca. *Ego ex tot mortalibus electus sum qui in terris Dei vice fungerer. Ego vna necisque gentibus arbiter. Qualem quisque sortem, statumque habeat, in manu mea positum est. Hæc tot millia gladio.* Nero  
apud  
Sen. lib.  
de Clem.

diorum, quæ pax mea comprimit,  
ad nutum meum stringentur. Quæ  
ruant vrbes, quæ oriantur, mea iu-  
risdictio est.

Hæc quidem posse magna res  
est, sed nolle cum possis, nisi ne-  
cessitas poscat, longe diuinius  
est. Pauca sibi licere velit optari-  
dum cui licent omnia. Non ex-  
tenditur ius gladij cum ad vnum  
deuoluitur, sed restringitur. Vna  
exeritur manus, vt omnes vin-  
ciantur, deferitur res ad sapien-  
tiam paucorum, ne cunctorum  
temeritas promiscua cæde desæ-  
uiat. *Laudanda est parsimonia  
etiam vilissimis sanguinis.* Nemo  
tam iniuste possidet mortales,  
quàm qui prodigit etiam iuste.  
Tardè mouenda sunt illa fulmi-  
na, quæ perculsi colant. Caueant  
igitur Reges ne credita sibi à Do-  
mino facultate glorientur potius  
ad pompam, quàm vtantur ad  
bonorum vtilitatem. Excludat  
ferociam delinquendi timor, &  
impotentiam summam æstiment  
iactare nocendi potentiam.

Causa belli imprimis accura-  
to examine probanda est, ne fur-



repat affectio, ne dominetur iniquitas, ne vis, ne furor per iustitiæ speciem illudat. Miseret me pudetue sæpe reputantem quàm friuola fuerit apud multos ingentium bellorum origo. Bellum Troianum commune bustum Asiæ, & Europæ in nobili scorto exarsit. Hoc mille navibus repetebatur, huius extincto pudori tot herorum vitæ parentabant. Tot pudicæ hostium libidini patebant, vt redderetur impudica. Arabiam inuadit Alexander, vt præceptoris admonitionem, qui puero profusionem thuris obiecerat, iam vir factus thuriferæ regionis dominatû haud cunctanter elueret. Ægypti job selem occisam cæco, & traci Marte Romanos adorti multa hominum millia fœdè mactauerunt.

Ad Oceanum ingenti armorum strepitu, & immenso rerum omnium apparatu, magnis itineribus Caligula contendit, vt conchas lasciuiantis naturæ ludopictas colligat. Tarentinam cladem Romani nautico percussi

cussi conuicio moliantur. Alexandrini contra Galienum rebellant ob insulsam heri; & serui de calceorum elegantia contentionem. Et ne multa commemorem, Guillelmus ille Anglorum domitor, omnium præterquam sui potens, dictum factum Maximi Principis innumeris cladibus vltus est. Erat ille præpingui corpore, & aqualiculo supra modum tumente: quæ mobrem cum de eius morbo inaudisset Philippus Rex Galliarum: Sinamus, inquit, Puerperam, decumbere partui, vt ex mole ventris apparet, iam vicinam. Ille ad hæc furore amens surrecturum se dixit soluto puerperio innumeris facibus stipatum quibus Galliam incenderet. Nec defuit dicto fides; nam statim ac conualuit, vago exercitu Fraciam ingressus, lugubri feritate vlciscendi, cædibus, & incendijs operatus, ipse tandem suo ardore consumptus est. Num ludere putemus sanguine humano qui leues ob causas non leuia committunt prælia? Num mis-

ros æstimemus populos quibus  
furentium ludibria tam dira va-  
stitate expianda?

De causa belli nemo sibi vni  
credere debet aut alteri, sed ex-  
quisita primariorum hominum  
prudentia disquirere, qui tantò  
propiores sint vero, quantò re-  
motiores ab affectu. Ad causam  
iustam recta intètio accedat ne-  
cesse est, quæ omnia exitu placi-  
do, sine optimo meretur. Absit  
illa cogitatio à Principe Christia-  
no vt arma capiat, ob luxurian-  
tis animi leues affectus, vt cur-  
rat ad cædes, ad incendia, ad va-  
stitatem, vt perdat, vt exstinguat,  
vt omnia ad internecionem de-  
leat. Lapitharum hoc est, & Cen-  
taurorum nihil aliud bellando  
quàm bellum quærere. Sapien-  
tissimi Reges per tumultus ar-  
morum eunt ad iustitiam, ad  
æquitatem, ad Concordiam, at-  
que ipsi quidem Paci litant ar-  
mati. De hoste cogitant quasi  
de egro actoribus remedijs per-  
sanando. Vtinam diæta curari  
voluisset; vtinam fomentis obli-  
niri, nunc mitiori brachio transi-  
ge-

gerentur omnia. Sed quando  
 contra fasiusque Gentium stetit  
 peruicacius, & toties oblata  
 conditiones rerum componen-  
 darum contempsit, viuiciendus  
 est, secandus, vrendus, non vt  
 exterminetur, sed vt conuale-  
 scat. Attritus est, non insulto; au-  
 diri postulat, audio; Colla sub-  
 mittit, ignosco. In Cannensi cla-  
 de audita vox Hannibalis; Par-  
 ce ferro Miles. Syracusarum ar-  
 dentium flammis Marcellus la-  
 crymis concupiuit extinguere;  
 ad prostrata Iudæorum cadaue-  
 ra Titus cœlum intuens inge-  
 muit. Quid facere oportet Chri-  
 stianum Regem, hoste acciso, &  
 pænè supplice? An superbire? an  
 debacchari? an ad extrema de-  
 sæuire? At ne belluæ quidem ge-  
 nerosiores hoc faciunt. Regias  
 mentes non decent vultus, & ine-  
 xorabiles iræ, multa sunt huma-  
 næ imbecillitati condonanda,  
 ignorantia multa, quædã etiam  
 affectui, pœnitentiæ omnia. Mul-  
 tos seruare oportet etiam inui-  
 tos, nec audiendi omnes qui  
 volunt perire. Quibusdam error

imposuit, plerisque opinio fucum fecit. Alios maligna consilia pessum dedere; Sunt etiam quibus sola fortuna pro culpa est. Multos absoluet qui se à Deo cupiet absolui.

Tandem addo, rationes quæ adhibentur ad finem optimum consequendum, legitimas esse oportere, ne peruertantur etiam recta. Non est bonum quod non fit benè. Non est virtus quæ non habet modum. Praua intentio sanctissimas quasque gerendi vias vi quadam pestifera solet inficere; artes quoque subdolæ intentionem synceram infuscant. Errant omnino qui cum sibi laudabilem scopum præfixere, attingendum æque per illicita, ac licita existimant. Hoc innixi fundamento eò amentia plerique deuenere, vt censerent sanitatem à dæmonibus ipsi per voces magicas innoxie requiri, & hanc esse salutem ex inimicis nostris, quam sacra prædicant eloquia. Sed contra Apostolus clara voce intonat; Non esse faciendâ mala, vt veniant bona. Nemo per

furta misericors, nemo innocens  
 quæsiuit flagitio valetudinem .  
 Bellare licet, occidere licet ex  
 authoritate Principis, & causa  
 iusta : contrà iustitiam facere  
 nunquam licet. Flectere oportet  
 superos, non Acheronta moue-  
 re, non temerare sacra, non Ec-  
 clesiæ iura violare, non Religio-  
 nem euertere, non stuprare pu-  
 dicitiam, non facinorosas artes  
 tentare, non sica, & veneno in  
 Principum capita grassari, non  
 disciplinam militarem militan-  
 do destruere, atque omnia solutè  
 & intemperanter ex vindicandi  
 libidine facere . Desinit esse bel-  
 lum iustum vbi omnia fiunt inius-  
 tæ, & si bene cæpta in malum  
 vergant, protinùs sunt abrum-  
 penda .

Deuenimus sensim, PRINCI-  
 PES MAXIMI, in rem proposi-  
 tam, de qua vestrum est iudicare,  
 & ex sensibus integerrimis Chri-  
 stiano nemini, ac saluti consule-  
 re. Vestra quidem authoritas le-  
 gitima, destinatio quoque animi,  
 & intentio, quæ potest esse in  
 optimis Principibus nisi recta?

Sed

Sed causa est inuoluta , rationes  
verò quæ finem appetere videntur ,  
violentiæ . Geritur à vobis  
Bellum atrox , urbium obsidio-  
nibus exercitum , cladibus fre-  
quens , vastitate luctuosum . In  
quo laborat Ecclesia , suspirant  
oppressorum vota , & toties con-  
uulsus mundus ingemiscit . Non  
vfitato modo , non humano mo-  
re progreditur ; sed vi quadam  
maligna in omnes Christiani or-  
bis venas permanente . Excutite ,  
si placet , causas , & vobiscum  
perpendite tanti tumultus occa-  
sionem .

Si quando res naturales vide-  
mus intrà suos limites decurre-  
re , & statas vices obire , minime  
miramur . At vbi valentiori quo-  
dam impetu cernimus incitari ,  
aut perueriti statutum naturæ or-  
dinem ; suspicamur arcanam  
inesse vim , quæ fertur atq. erum-  
pit ex abdito , vnde tam vari j mo-  
tus oriantur . Quoties ordina-  
rie cieri ventos aspicimus , aut  
halitus putamus , aut aeri natu-  
ralem vim inesse æstimamus mo-  
uendi se , ne inertī atque inagita-

bili globo torpescat. At quoties ventis acerrime depræliantibus exurgunt fœdissimæ tempestates, quæ vastas arbores radicitus euellunt, quæ benè fundatas domos in plana submitunt, quæ nauigia deuorant, & statum mundi percellunt, aerijs hæc adscribimus Potestatibus per mundi plagas dissipatis. Non impari quidem ratione, cum bella instant vsitata inter homines forma, hæc hominum tribuimus ambitiosis conatibus, moribus iracundis, & ad objectæ contumeliæ imaginem faciliè excandescentibus. Quod si modum omnem excedant, suspicamur esse occultam malorum originem, quæ sensus nostros, atque intelligentiam superet.

Hoc ipsum de tam atroci bello rem benè æstimantibus vacat cogitare. Nec enim ciuili animo geritur, nec habet militiæ decora, quæ magnos animos commitari solent; sed virulentam malignitatem, quæ ambas partes exedit, & lenta quadam tabe serpens per omnia depascitur.

Squal-



Squallent rura, mœrent vrbes,  
prodigitur heroum sanguis, de-  
stinatur lanienæ lectissimus flos  
Nobilitatis, spoliantur bonis pœ-  
nè omnibus priuati, conquirun-  
tur vndique acerbis exactoribus  
pecuniæ, quæ tam crudeli ludo  
sufficiant. Sed nulla vis ætarij  
par est auiditati omnia depopu-  
lanti. Paucorum diuitiæ cuncto-  
rum inopiam faciunt, & de pro-  
uinciarum lachrymis funesta  
improborum gaudia saginantur.  
Quis tot, ac tantorum artifex  
malorum, vnde fons, vnde origo  
tot funerum? *Rex* (aiunt) *Ludo-  
uicus belli Author*. Scilicet tam  
pius Princeps, tam castus, & to-  
to Dei timore perfusus, tantos  
fluctus moueat, tantas exciter  
tempestates? Tendebat quoti-  
diè, dum viueret, puras ad cœ-  
lum manus, in sacris mysterijs  
frequens, conscientia tam casti-  
gata, vt ne minimam quidem la-  
bem ferret quam non statim sa-  
cramentis elueret. Pugnavit ne-  
cessitate, virtute vicit, fortis pe-  
ctore, Marte clarus, mente pa-  
cificus. Quis igitur æstimet cru-

enta de perdendo orbe Christiano consilia in illo tam augusto pectoris sacrario potuisse concipi? Quis resedisse illic odia, quis similitates putet?

At fortè Imperator diffidijs gaudet, & rebus turbatis pascitur? Absit ut quis hoc credat. Est enim Princeps moribus optimis, & ad omnem æquitatem composuit, animi vigore excellens, exultus sapientia, in quo cælata viuit Paterni spiritus ad omnem virtutem expressa effigies. Quid habere iucundius potest, quam ut Germaniam suam, tam fero bellorū tumultu quasata placidissima pacificatoris manu componat?

Turbat igitur Rex Hispanus. Nemini hoc probare poterit, qui tanti Regis sensum, atq. animum penitus nouerit. Est enim si quis alius mente Christiana, ingenio placido, ad amorem, & concordiam magis, quàm ad rixas dissensionesque propenso. Nihil in eo turbidum, & ferox, nihil malignum, frui sua magnitudine cupit, non ferocire.

Vnde igitur tanta belli atrocitas, si nullæ sunt *animis celestibus ira*? Quis non videt, non esse istud humano consilio factum, sed Malos Genios toto impetu incubuisse, vt res nostras florentes acciderent, accisas euertarent, euersas calcarent. Nimis scilicet potens erat res Christiana, domita Rupella, prostrata hæreticorum factione. Fuit illi ferrum hostium cruore tepens in viscera conuertendum. Turbarunt illi in Italia ad Mantuum; turbauit in Germania, commiserunt primas Christiani nominis coronas liuore maligno, bello implacabili, cladibus immensis, Ecclesia gemente, lætis infidelibus, ipsis plaudētibus inferis.

Interuenit sæpè magnis rerum successibus mēs mala, quæ Principum consilia corrumpit, & à recto cursu gloriæ diuertit. Triumphalibus ouātem laureis Regem Christianissimum sua vix limina salutabant, cum per factiones excitati turbines in Italiam vocant, penetrandæ Alpes hyeme gelida, per horrentes armis,

& rectos niuib. scopulos carpendum est iter, conferendę manus, committenda per varias Martis aleas pręlia, quę nitrō robore, & pari fœlicitate iam erant composita, cū ecce instat flagellum belli exitialis. bacchatur Aquilo in clade Germaniæ, volutatur in sanguine, fertur per clarissimarum vrbium incendia, resistentibus paucis, omnibus ferali prodigio attonitis. Sacrilegio polluantur arę, sacre Virgines stupro, strident catenę sacerdotum, calcantur sancta, & consummatur abominatio desolationis, ipso qui vocauerat Rege horum aut nescio, aut inuito.

*Matth.*  
24.

Deinde putet aliquis hoc à Christiana mente cogitatum? putet ab eo qui sensum aliquem habuerit Religionis, esse perfectum? Non est credibile: tantum monstrum concipi non potuit, nisi parturientibus inferis, exhalante tetram fuliginem abyssu, & dæmonibus lymphatas mentes in diuersa rapientibus. Non sunt omnia ad homines referenda. Non sunt administri. Pri-

cupum ubique inculandi, quasi  
omni humanitate exuta, ferita-  
tem induerint. Quidam sunt va-  
gi, & insynceri spiritus ad vin-  
dictam destinati, qui non desi-  
nunt perditum perdere. Quæ ratio  
vos, **PRINCIPES MAXIMI**,  
tantò magis incitare debet ad  
Pacis fœdera componenda, quod  
per vestras manus, & sub pedi-  
bus vestris Sathanam comeri, ar-  
cano consilio præpotens Deus  
destinavit.

Cauendum igitur omnino est  
ne dæmonē ad vastitatem incu-  
banti subdatur materia de ipsis  
hominum affectibus, & vitijs.  
Ignem facile concipit Regno-  
rum, & Gentium Zelotypia, quæ  
ex animali quadam affatur sa-  
pientia, nec prudentiam sancto-  
rum sapit. Aiunt enim partem stu-  
dent alteri, Hispanos nimis in-  
uidiosam facere suam potētiam,  
exosam æqualibus, inferioribus  
terribilem, omnibus, nisi cauea-  
tur exitiosam. Tanta, ut aiunt,  
libido dominandi, tam intentæ,  
& vigiles ambitionis curæ, tam  
rapax terrarum ingenium, tanta

regnorum, & titulorum congeries æmulos stimulant, vicinos terrent, pungunt etiam remotos. Vnius dignitatem putant omnium periculum. Quot imperia, tot intentata numerant regnis seruitia. Timent quicquid parat tellus, quicquid monstrorum alit pontus. Auida, & impotens sui dominatio, vbi se permisit fortunę, naturam dediscit, moderationem nescit. Ad hæc Gentis Indoles, vt dictitant, acris, & sicca, fastu tumens, patiens laboris, & inedię, sitiens glorię, miratrix sui, virtutis contemptrix alienę. Hęc dico non ex mente nostra, quę nulli hic addicta nationi omnes in Christo complectitur, sed vulgata à multis commemoro, quę si procul arceantur, multorum euellent fibras, occasionesque dissidiorum.

Galli contrā, vt scribunt qui norunt, etsi conuiciorum inferendorum auidi, tolerandorum nescij, contemptus impatientissimi: sciunt se ex ea gente esse de qua dictum est.



*Animoque supersunt,**Iam propè post animam.*

Iactant se armorum claritudine orbem impleuisse, antequam è diuturna Vandalorum, & Saracenorum servitute caput attolleret Gens Hispana, Orientis tenuere, & Occidentis Imperia, Còstantinopolim expugnarunt, Hierosolymā Christo, Romam septies Pontifici ab hostibus ereptam reddiderunt. Sibi primum locuta prædicant Euangelia, sibi primigeniam filiorum Dei adoptionem datam, Regnis terrarum addiderunt Imperium litterarum, toto fere orbe in Academiam Parisiensem confluyente, nihil putant habere se contemnendum. Miratores expectunt potiùs, quàm contemptores ferunt. Hinc fit, vt vtraq. Gente pro se iactantior, & in alios dicace, euentilentur flammæ, quæ in magna coalescunt incendia. Utinam quæ per spiritum diffusa est in nobis Charitas, tot contentionum semina suffocaret, utinam tot iurgiorum occasiones abscinderet! Minus nobis esset

laborandum, nec tam anxie querendum, quibus remedijs tam pestilenti malo debeamus occurrere.

Augent hoc sæpè plerique Regum administri, dum familiaris, sed dira summis Imperijs gloria, dominorum cupiunt ostentare potentiam, totas nocendi vires explicant, abditam premunt beneficentiam, dum ambiunt, dum timent, dum cauent, ipsa sæpè sedulitate, & cautione non rimenda pronocant, faciunt non toleranda.

Hic vos appello, Politicæ sapientiæ Antistites, & arcanorum consiliorum Mystæ. Lubentius vobiscum, quàm cum fortuna vestra loquor. Cogitate quantum à vobis exigat Deus. Sedetis quasi Dij ex hominibus humani generis arbitri, quam quilibet sortem habeat, ex nuu vestro pendet, quæ mortaliuna cuique bona Felicitas velit, ore vestro pronunciat, quas parati classes, quæ arma moueri, quas vrbes excindi, quas Gentes obrui oporteat, vestris sententijs agitur.



tur. Vos de fortunis, & sanguine hominum decernitis, illi de vestra existimatione decernunt. De vestro capite inspector omnium Deus ad tremendum, & inevitabile Forum iudicat. Multa quisque ex suo cernit sensu, multa ex suo loquitur affectu. Non est mihi credibile quod aiunt, tantos viros, tam magno ingenio praeditos, tam alta excultos prudentia, & huius fragilitatis rerum humanarum conscios, putare se huic affixos fastigio, ut suas res agant, ut suis commodis omnia metiantur, ut amplitudini suae serviant, ut ex privato amore, & odio res publicas gerant, ut fortunae suae populorum sanguine litent: Idcirco bella concupiscere, & res amare turbulentas, è quibus & clarius sibi imperium, & numerosiores pecunias, & haerentem altius ipsa necessitate Ministerij authoritatem sperant. Absit, ut tam sordidae, tamque humiles curae in tam excelsas mentes ascendant.

Crediderim ego potius acri

VOS

vos emulatione vestrorum Principum anhelare gloriam, cuius semper sitientissimi fuistis, iniurias persequi, Maiestatem asserere, imperia dilatare. Sed per Deum immortalem, & per tot dilecta Regnorum pignora vos obsecro, videte, ac diligenter perspicite, ne vehementissimus Gloriæ appetitus auersos agat ab ipsa Gloria. Vos illam in turbido quæritis, sed omnes iam mortales appetunt in sereno. Cogitate vbinam maior cælestium Virtutum claritudo, aut cum tonitruorum fragoribus strepente mundo, ignes vndique iaciuntur, & fulmina? An cum puro, & defæcato die ridet amena lux, & ex humanis animis omnem mœstitiam discutit? Timendam satis hæctenus fecistis dominorum potentiam, reddite si placet suauem, facite, quo solo inuicta est, amabilem. Non est hæc Principum amplitudo semper armorum fremere terroribus, & apparatu bellorum, ore igneo tonnentorum æneorum pronunciare sæua, hos ca-

tenis, illos gladijs destinare, circumferre ignes & tela, ire per fumantes vrbes, per calcata miserorum corpora, omnia exhaurire, ne exhauriantur. Quanto illud gloriosius est foelicissimi sideris more ambire cuncta mente placida, virtute benefica, res lapsas erigere, solari mœstas, dissipatas colligere, & diuulsas componere. Hoc cœlesti passum laboranti mundo subueniunt tot Res, abiectæ ad solidum, & inconcussum decus. Quid vetat sequi? Quid pudet æmulari? Vnus est sæpè timerendus scopulus, ad quem Politicorum aliquot hominum, qui longè à pietate vestra dissident, curæ & cogitationes adhærescunt. Putant si ex Dei lege, & piorum hominum sēsis Rempublicam gerant, fore humilem, & demissam, prædæ natam & direptioni, appetunt alias gubernandi artes, quàm quas Deus præscripsit, quasi aut non satis viderit, aut minus suis prouiderit. Excogitant novos agendi modos, versipelles & vafros, quibus

bus augeant sua, alienis insidientur, permisceant, si possint, omnia. Putant è re esse Principum se solos intueri, se solos circumspicere, ad se referre omnia, ire per attritos ciues, si res ita occurrat, ad amplissima, & regia commoda. Nil distare verum à falso, nisi ex utilitate nostra, ad quam componendus est omnium negotiorum status. licitum esse quicquid prodest. Importunam excelsis consilijs humilem conscientiam, Religionem scrupulosè tractandam à subditis, à Regibus commodè, virtutem solidam sæpe officere, umbram & speciem prodesse; Probitatem laudari & algere: Nihil esse apud Principes iniustum, quod Regno sit magnificum.

Non est, ut cum Apostolo loquar, non est hæc sapientia deorsum, sed terrena, animalis, diabolica, quæ fascinat. mentibus imponit, & in miserandum exitium Regna deuoluit. Longè alia est mens vestra (*virī sapientissimi*) longè alius animus. Etenim si Sarracenum vobis non  
 Chri-

Christianum incumberet imperium moderari, occurreret tamen ex ipsis Ethnicorum legistorum libris, & institutis perniciosam esse regni clauum tenentibus astitiam. Hanc humilem semper, & exosam raro nec diu vnquam fructuosam. Vnde & rerum politicarum scientissimus Thucydides dicebat, Remp. melius geri, ac feliciter à moderatis, & mediocri ingenio viris, quam ab acutis, & supra modum industrijs. Sed tamen si Dei, & legis extorres ageretur in mundo, condonandum esset ex humano sensu, & calliditate, vt creditur, non inutiles gerentibus multa, spectantibus omnia. Nunc autem cum plane perspectum sit vobis, Imperia ijs maxime rebus, quibus coeperunt, excoli, quis non videat Christiana Regna in fide, iustitia, & lenitate fundata, per impietatem, & iniustitiam, & crudelitatem funditus euertere? Quis non intelligat homines à cælesti sapientia deuios in caliginem, & scelus ruere præcipientes?

Con-

Consulite, si placet, historias, & videte quales sint Tiberianorum, & Herodianorum exitus. Inuenietis subdolas mentes, vitam ancipitem, spes lubricas, certos metus, incerta consilia, mortes calan. tosas, longa supplicia, posteritatem, aut nullam, aut breuem. At ex aduerso si vacat Christianos Principes aspicere, qui Regna mente sincera, leni manu, moderata prudentia, probitate inuicta, per tot casus humanarum rerum tenuere, inueneri licebit heroes suis gratos, hostibus timendos, fœlicitate & gloria cumulatos vixisse, & fundatissimas domos in multa sæcula propagasse. Quin igitur abiectis tam tetri, tamque funesti belli consilijs, & elisa per modestiam ambitione, repressa per charitatem cupiditate, imas ad fundatorem salutis, & conciliatorem Pacis Deum, à quo deploratis rebus remedia sunt nobis expectanda?

Quid est tandem, quod omnium vota, quod incensa desideria, quod alta gementis Ecclesiæ  
su-

suspiria tamdiu frustratur? An honor? an Res? Certè si honor spectatur, qui non minimam belli occasionem præstitit: Contemptus opinio, iam sublata esse debet, magnis utrimque viribus, regnis inter se collisis. Quid utriusque copijs affluentius? quid potentia mirabilius? quid robustius virtute? quid incitatus animo? Lugenda potius fuit in causa tam misera, quàm desideranda fortitudo, digna quam laudaret hostis, quam experiretur Sarracenus. Non habet HISPANVS quod GALLVM; Gallus contemnat Hispanum, habet tamen uterque, quod æquiori conditione meliori facto suas ostendi vires concupiscat.

Si de re quæstio est, operosum sanè, & impeditum negotium; tanta enim est, ut aiebat antiquus ille Archesilaus, rerum, & fortunarum in vita humana confusio, ut si de iure regnorum, ciuitatum & familiarum certandum sit, æternas lites, æterna pro vindicijs bella esse

esse oporteat : Atque si ex rigore iustitiæ transigantur omnia, nullum tãdem futurum Regem, nullum diuitem. Si quis igitur habere velit quicquid ingenij sagacitas subodorari potuerit, quicquid opinio finxerit, quicquid libido concupierit, excutiat oportet à Nembroto qui primus liberis ceruicibus iugum imposuit, immensam, & per tot rerum, temporumque ambages perplexam Regnorum molem, auos, & atauos effodiat ex tot simulorum situ, fatiget cupidum tenacem memoriã, prudentiam peritorum; Quid tandem inueniet nisi fomitem discordiæ, nouique tumultus materiam? Quis arbiter, quis iudex tantas lites componet, quis de causis tam inuolatis decernet?

*Luc. 12.*

*p. 14.*

Noluit Dominus diuidere inter fratres hæreditatem; qui mensuras cælo, mari terminos, elementis omnibus modum imposuit; agrum inter germanos partiri recusauit, contentiosam, & implacabilem hominum ratus auaritiã. Neque igitur



si de cœlo descendat Christus, de re & fortunis vestris iudicare velit, neque si velit omnia ex sensu, & voluntate vestra in tanta sua æquitate definiat.

Quid restat igitur, nisi ut partibus licet haud pari robore stantibus, & quidem auidissimè in res suas intentis infami, & calamitoso bello sæcula conterantur omnia? Enimuerò præclarum est tantos Reges, tam pios, tam augustos, tam copiosos terrarum, marisque dominos, ob vnā urbem, ob vnum castrum forte iam bellorum fulminibus pœnè dirutum, de solo puluere exitiabilibus armis profuturis nulli, no. cituris omnibus, decertare.

Intelligo, sapiētissimi Regum Consiliarij, quid responsuri sitis, vestram rem agi, vestrum decus in eo cardine verti, ne quid in eo fœdere, quod totus orbis expectat, dominorum vestrorum res detrimenti patiatur. At ego prudentiæ vestræ, & æquitati discutiendum iam istud relinquo. An ut constet Ministro levis quædam, & ex sua opinione fama,

ma, vniuerso orbi Christiano, de fortunis, de vita, de sanguine, de salute, & omnium rerum interitu periclitandum est? Quid aliud optare debent mentes vestræ tam excelsæ, tamque generosæ, quàm vt ex Regum, regnorumque commodo componantur omnia? At istud, si placet, excutite, nùm ex Principis fama, & status utilitate longè sit melius aliquid ex ea tenacitate terrarum, & indeclinabili mentis rigore remittere, quàm direptionibus, & incendijs omnia deuocere? Longè pulchrius fortè putatis vastari regna, quam perdi; sed quid est aliud vastitas, quàm dira perditio? Miserum est istud solatium, perdere ne perdas, & fœliciora vrbium incendia ducere, quàm rapinas; Quasi rem magnam æstimes, ne moriaris mori. Non perditur corpus, quod vnius vnguis iactura seruatur. Nihil maximo, & florentissimo Regno deperit, si quod oppidulum, si quæ Arx traditur, vt cætera omnia tranquilla pace, & leni otio perfruantur. Nihil

hil inde Ministrorum famæ decedit, si fortunati pacificatores orbis, potius quam miseri litigatores habeantur. Quàm multos nimis circumspectos, & tenaces, populi infœlices omnibus diris deuouerunt, viuos, mortuosque conuicijs prosciderunt, quod ardentis mundi funeribus per litigiosas artes illuserant, & omnia perdi potius, quàm modicæ rei detrimento fessis extrema calamitate rebus subueniri voluerant.

At si quis vestrum ingemiscētis totius orbis Christiani querelas placidis auribus audierit, si salutarem porrexerit manum, si pauca leniori brachio remiserit, vt seruet omnia; Num is erit omni laude cumulatissimus? Num dignus, quem præsentēs colant, cuius memoriam venerētur posterī, quem populi seruatorem Patriæ, parentem beneficū, & salutare mundi laborantis fidus omnes circūspiciant?

Vobis, PRINCIPES MAXIMI, hoc onus incumbit, agere, iubere, perficere, & administris  
vti

vti tanquam publicæ fœlicitatis instrumentis. Certè si vacat vobis audire quod sine negligentie notâ recusare nō potestis, ostendam id ipsum quod suadeo, Dei vocem esse, Dei mandatum, & legem, vestram salutem, vestram rem in eo verti, atque in id cæli iussâ, terrarum vota mirum in modum conspirare. Ac primum videte, ne nimis fortasse nō tam cum hominibus, quàm cum Deo bellare videamini, qui pacificatori Christo tam diù resistitis: *Ipsa est pax nostra, qui fecit utraque vnum, in ipso complacuit omnem plenitudinem diuinitatis inhabitare.*

*Eph 2.* *Colos. 1.* *Et per eum reconciliari omnia in ipso, pacificans per sanguinem crucis eius siue quæ in cælis, siue quæ in terris sunt. Pacem ingressus mundum, attulit; Pacem digressus suo cruore sancit. Corpus suum dirè, & immaniter lacerari in cruce permisit, ossa, quæ per tot commissuras, & tam arcanos nexus Ecclesiam repræsentant, noluit attingi, nempe qui suos electos indissolubili cōcordiæ nodo sociati vehemen-*

*tis-*

tissimè cupiebat. Et in veteri quidem Testamento non ingrediebatur Summus Pontifex in Sancta Sanctorum, nisi malis granatis ad poderis fimbrias appensis, quæ mirabili granorum nexu piorum significant arctissimam inter se societatem.

Christus iam morte triumphata discipulos suos, non nisi per blandum, & amabile Pacis nomen salutabat, hoc Apostoli suis epistolis præfigunt, hoc nostri Pontifices ad aras, & sacrosancta mysteria pronunciant, hoc iusti lætantur, hoc implorant lapsi, hoc triumphant Angeli. *Est enim, ut ait Augustinus, Pax, serenitas mentis, tranquillitas animi, amoris vinculum, consortium charitatis: hæc est quæ simultates tollit, bella comprimit, superbos calcit, amat humiles, discordes sedat, cunctis est placida, cunctis benigna, nescit extolli, nescit inflari, nihil querit alienum, nihil deputat suum, docet amare, quod odisse non novit. Vbi non est pax inquit Nazianzenus, non est mundus.* Tribus enim stat, ut ait Simeon Ga-

*De verb.*

*Dom. li.*

*3.*

*Orat. 2.*

maliculis, Veritate, Iustitia, & Pace. *Beati pacifici, quoniam filij Dei vocabuntur*, clamat Veritas. Ecce adoptio, & nomen filiorum Dei, cuius auidissimi tot Reges, & Imperatores fuere, promittitur non deuictis Gentibus, non direptis, & incensis urbibus, non orbe calcato, sed pacem colentibus, pacem per fœdera componentibus.

Num subit aliquando vereri, **PRINCIPES OPTIMI**, cum tenditis ad aras manus, cum ad tremenda statis mysteria, ne si bellosum finem nullum faciatis, pacis Angeli amarè flentes à vobis oculos auertant, ne de sacratio Christi vox erumpat, & quoties pacem, & veniam cum Ecclesia postulatis; toties dicat, Quid tibi, & Paci? Tu caput meum oscularis, & calcas membra; Tu per preces mihi blandiris, per gladios sæuis. Vox tua, vox Iacob, sed manus, manus Esau. Dum mihi faces accendis, tuis facibus ardent vrbes; dum thus adoles, fumant tuis incendijs clarissimæ ciuitates; dum vo-



ta concipis, stringuntur gladij;  
dum supplicem profiteris, agis  
bellatorem. Tepent arma non  
cruore Turcarum, sed fratrum.  
Occiduntur tuo iussu tot miseri  
Mortales, per te funditur eorum  
sanguis, pro quibus sanguinem  
fudi. Dum me compellas,  
tot viduæ, tot pupilli appellant  
de strage cadauerû, Maritorum,  
& Patrum nomina iam non re-  
sponsura. Dum mihi altaria hic  
erigis, alibi demoliris; nō placas,  
sed peccas, dum hæc vel te iu-  
bente fiunt, vel tolerante. Flecte  
istos animos, spiritus doma, & si  
vis tibi dimitti, remitte.

Multa profectò, PRINCI-  
PES, error, multa commoto per  
speciem iniuriæ animo sunt ini-  
tio condonanda. Fuerint aliqua  
Bella iusta, fuerint necessaria,  
dū serpunt, dum trahuntur, quod  
fuerant, esse desinunt, amittunt  
ipsa diuturnitate innocentiam,  
& dum crescunt furore, causa  
minuuntur. Timendum est, ne  
istius, quod geritis, tam diuturno  
tempore, & tanta malignitate  
clementissimus Dominus offen-

datur. Non ignoratis quanta seueritate Christus omnia de regno suo scandala voluerit amputari, vt qui eorum authores iusserit mola asinaria collo appesa in flumen mergi. Nolim equidem facta Principum aut durius interpretari, aut celerius damnare. Sed tamen cauendum est, ne si tot calamitates, & funera serpent ipsa odij contagione longius, piorum omnium offendatur animus, & ne impiorum dicaces linguæ in Religionem nostram exacuatur. Stupebant olim Gentes charitatem Christianorum. Vide vt se diligant. Vide vt pro se inuicem mori sint parati. Capiabantur admiratione virtutis, qui nondum nouerant fidem: Nihil humile, nihil profanum ab ea mente expectabant, quæ se fraterno Amori deuouisset. At nunc si spectent Ethnici fratribus aduersa fratrum signa, quid aliud dicant, nisi, vide, vt se trucidant, vide vt laniant, vide, vt mutuis sese odijs discerpunt. Aut ille sine Christo, aut Christus sine pace. Durum dictu, sed



sed verum. Multum res Dei patitur in istis diffidijs detrimenti, multa, & horrenda luget Ecclesia. Aut ipsa quam profitemur Religio nostros errores accusat, aut ipsi accusamus Religionem. Per nos insultant fidelibus infideles, sacris profani, Christo Iudæi, Ecclesiæ Barbari. Si vile nostrum nobis est decus, cur Dei prodimus honorem? cur hereditatem dilapidamus?

Deinde quis est tam excors, ut nō videat dissensionem Christianorum semper extitisse infidelium prædandi occasionem? Dum hac atrocitate cognatæ inter se nostrorum acies confligerent, nobis Rhodum, nobis Constantinopolim, duo nobis Imperia Turcæ eripuerunt. Num putamus miserantis Dei indulgentiam quodam miraculo fecisse, ut tam potentem, tam acerbum hostem, bellum Persicum a nostris cladibus auocaret? Sed hoc magnopere timendum, ne si tot irarum turbines pergant insanire, ad laceras miserorum regnorum reliquias, aperto per nos a-

ditu violentus, & ferox aduolet.  
Verendum ne Prouidentia numistories nostris iniurijs lacestiat, iam per fraterna dissidia concisos frementi prædam Leoni obijciat. Non alijs de caussis, non alijs facinoribus, maxima sæpè conciderunt imperia, & nocentes Dominos aliena dominatio pressit, allisa posteritas destituit. Num postea infelicitum Regum manes æterni in ima nocte circumstarent gemitus, per quos contigisset, Christi regnum in Sarracenorum manus potestatemque deuolui?

Addite iam PRINCIPES, vestrorum subditorum graues ærumnas, & laboriosam seruitutem. Cogit vos necessitas membra deuorare vestra, ut quærat aliena. Tot Populi à Pæpotenti Deo vestræ pietati, & curæ commissi, ut per pacem, & concordiam, per cultum numinis legesque sanctissimas in felicitatem coagmententur, aut hostium furori patent infelices victimæ, aut per implacabilem exactorum auaritiam ad imas usque medullas

las depasti, sub grauissimis oneribus suspirant. Quibus pepercit gladius, hos per lentas mortes egestas depopulatur, fames eneeat, obruit calamitas. Viunt cæli, solique extorres: non illis patria, non domus, non quies, non cibus. Rem olim optatissimam timent, atque oderunt fecunditatem, ne cum bonorum non possint, filios miseriarum habeant hæredes: Vitam quam per tot discrimina seruauere, incipiunt detestari, vobis inutilem, sibi calamitosam. Spoliari semel omnibus cupiunt, ne quotidie spoliarentur. Sed patiuntur interim res diuersissimas, amissionem omnium, & capitationem singulorum. Deueniunt in sæuum necessitatis imperium, ubi nec vivere honestis licet, nec quietis mori; sunt de hominibus spectra sibi ipsis formidanda. Vendicant se interim non semper inanibus diris, & per tot lucis tædialux omnis decurrit. Dum census illis deperit, perit erga vos Amor, qui vestras olim Coronas suis manibus texuit, & ornauit.

esse oporteat : Atque si ex rigore iustitiæ transigantur omnia, nullum tãdem futurum Regem, nullum diuitem. Si quis igitur habere velit quicquid ingenij sagacitas subodorari potuerit, quicquid opinio finxerit, quicquid libido concupierit, excutiat oportet à Nembroto qui primus liberis cervicibus iugum imposuit, immensam, & per tot rerum, temporumque ambages perplexam Regnorum molem, auos, & atavos effodiat ex tot tumultorum situ, fatiget cupidorum tenacem memoriam, prudentiam peritorum; Quid tandem inueniet nisi fomitem discordiæ, nouique tumultus materiam? Quis arbiter, quis iudex tantas lites componet, quis de causis tam inuolutis decernet?

*Luc. 12.* Noluit Dominus diuidere

*v. 14.* inter fratres hæreditatem; qui mensuras cælo, mari terminos, elementis omnibus modum imposuit; agrum inter germanos partiri recusauit, contentiosam, & implacabilem hominum ratus auaritiam. Neque igitur

si de cœlo descendat Christus, de re & fortunis vestris iudicare velit, neque si velit omnia ex sensu, & voluntate vestra in tanta sua æquitate definiat.

Quid restat igitur, nisi ut partibus licet haud pari robore stantibus, & quidem auidissimè in res suas intentis infami, & calamitoso bello sæcula conterantur omnia? Enimuerò præclarum est tantos Reges, tam pios, tam augustos, tam copiosos terrarum, marisque dominos, ob vnâ urbem, ob vnum castrum forte iam bellorum fulminibus pœnè dirutum, de solo puluere exitiabilibus armis profuturis nulli, nocituris omnibus, decertare.

Intelligo, sapiētissimi Regum Consiliarij, quid responsuri sitis, vestram rem agi, vestrum decus in eo cardine verti, ne quid in eo fœdere, quod totus orbis expectat, dominorum vestrorum res detrimenti patiatur. At ego prudentiæ vestræ, & æquitati discutendum iam istud relinquo. An ut constet Ministro levis quædam, & ex sua opinione fama,

ma, vniuerso orbi Christiano, de fortunis, de vita, de sanguine, de salute, & omnium rerum interitu periclitandum est? Quid aliud optare debent mentes vestræ tam excelsæ, tamque generosæ, quàm vt ex Regum, regnorumque commodo componantur omnia? At istud, si placet, excutite, nùm ex Principis fama, & status utilitate longè sit melius aliquid ex ea tenacitate terrarum, & indeclinabili mentis rigore remittere, quàm direptionibus, & incendijs omnia deuouere? Longè pulchrius fortè putatis vastari regna, quam perdi; sed quid est aliud vastitas, quàm dira perditio? Miserum est istud solatium, perdere ne perdas, & scèliciora vrbium incendia ducere, quàm rapinas; Quasi rem magnam æstimes, ne moriaris mori. Non perditur corpus, quod vnius vnguis iactura seruatur. Nihil maximo, & florentissimo Regno deperit, si quod oppidulum, si quæ Arx traditur, vt cætera omnia tranquilla pace, & leni otio perfruantur. Nihil

hil inde Ministrorum famæ decedit, si fortunati pacificatores orbis, potiùs quam miseri litigatores habeantur. Quàm multos nimis circumspectos, & tenaces, populi infœlices omnibus diris deuouerunt, viuos, mortuosque conuicijs prosciderunt, quod ardentis mundi funeribus per litigiosas artes illuserant, & omnia perdi potiùs, quàm modicæ rei detrimento fessis extrema calamitate rebus subueniri voluerant.

At si quis vestrum ingemiscētis totius orbis Christiani querelas placidis auribus audierit, si salutarem porrexerit manum, si pauca leniori brachio remiserit, vt seruet omnia; Num is erit omni laude cumulatissimus? Num dignus, quem præsentēs colant, cuius memoriam venerētur posteri, quem populi seruatorein Patriæ, parentem beneficum, & salutare mundi laborantis fides omnes circumspiciant?

Vobis, PRINCIPES MAXIMI, hoc onus incumbit, agere, iubere, perficere, & ministris  
vti

vti tanquam publicæ fœlicitatis instrumentis. Certè si vacat vobis audire quod sine negligentia notâ recusare nō potestis, ostendam id ipsum quod suadeo, Dei vocem esse, Dei mandatum, & legem, vestram salutem, vestram rem in eo verti, atque in id celi iussa, terrarum vota mirum in modum conspirare. Ac primum videte, ne nimis fortasse nō tam cum hominibus, quàm cum Deo bellare videamini, qui pacificatori Christo tam diū resistitis. *Ipsa est pax nostra, qui fecit utraque vnum, in ipso complacuit omnem plenitudinem diuinitatis inhabitare.*

*Eph 2.* *Colos. 1.* *Et per eum reconciliari omnia in ipso, pacificans per sanguinem crucis eius siue quæ in calis, siue quæ in terris sunt. Pacem ingressus mundum, attulit; Pacem digressurus suo cruore sancit. Corpus suum dirè, & immaniter lacerari in cruce permisit, ossa, quæ per tot commissuras, & tam arcanos nexus Ecclesiam repræsentant, noluit attingi, nempe qui suos electos indissolubili cōcordiæ nodo sociari vehementer*

*tis-*



tissimè cupiebat. Et in veteri quidem Testamento non ingrediebatur Summus Pontifex in Sancta Sanctorum, nisi malis granatis ad poderis fimbrias appensis, quæ mirabili granorum nexu piorum significant arctissimam inter se societatem.

Christus iam morte triumphata discipulos suos, non nisi per blandum, & amabile Pacis nomen salutabat, hoc Apostoli suis epistolis præfigunt, hoc nostri Pontifices ad aras, & sacrosancta mysteria pronūciant, hoc iusti lætantur, hoc implorant lapsi, hoc triumphant Angeli. *Est enim, ut ait Augustinus, Pax, se-* *De verb.*  
*renitas mentis, tranquillitas ani-* *Dom. li.*  
*mi, amoris vinculum, consortium* 3.  
*charitatis: hæc est quæ simulates*  
*tollit, bella comprimit, superbes*  
*calcat, amat humiles, discordes*  
*sedat, cunctis est placida, cunctis be-*  
*nigna, nescit extolli, nescit inflari,*  
*nihil quærit alienum, nihil deputat*  
*suum, docet amare, quod odisse non* *Orat. 2.*  
*novit. Vbi non est pax inquit Na-*  
*zianzenus, non est mundus. Tri-*  
*bus enim stat, ut ait Simeon Ga-*

malielis, Veritate, Iustitia, & Pace. *Beati pacifici, quoniam filij Dei vocabuntur*, clamat Veritas. Ecce adoptio, & nomen filiorum Dei, cuius audivimus tot Reges, & Imperatores fuere, promittitur non devictis Gentibus, non direptis, & incensis urbibus, non orbe calcato, sed pacem colentibus, pacem per fœdera componentibus.

Num subit aliquando vereri, **PRINCIPES OPTIMI**, cum tenditis ad aras manus, cum ad tremenda statis mysteria, ne si bellorum finem nullum faciatis, pacis Angeli amarè flentes à vobis oculos auertant, ne de sacratio Christi vox erumpat, & quoties pacem, & veniam cum Ecclesia postulatis; toties dicat, Quid tibi, & Paci? Tu caput meum oscularis, & calcas membra; Tu per preces mihi blandiris, per gladios sævis. Vox tua, vox Iacob, sed manus, manus Esau. Dum mihi faces accendis, tuis facibus ardent urbes; dum thus adoles, fumant tuis incendijs clarissimæ ciuitates; dum vo-

*Angelus pacis.*      51

ta concipis, stringuntur gladij;  
dum supplicem profiteris, agis  
bellatorem. Tepent arma non  
cruore Turcarum, sed fratrum.  
Occiduntur tuo iussu tot miseri  
Mortales, per te funditur eorum  
sanguis, pro quibus sanguinem  
fudi. Dum me compellas,  
tot viduæ, tot pupilli appellant  
de strage cadauerû, Maritorum,  
& Patrum nomina iam non re-  
sponsura. Dum mihi altaria hic  
erigis, alibi demoliris; nō placas,  
sed peccas, dum hæc vel te iu-  
bente fiunt, vel tolerante. Flecte  
istos animos, spiritus doma, & si  
vis tibi dimitti, remitte.

Multa profectò, PRINCI-  
PES, errori, multa commoto per  
speciem iniuriæ animo sunt ini-  
tio condonanda. Fuerint aliqua  
Bella iusta, fuerint necessaria,  
dū serpunt, dum trahuntur, quod  
fuerant, esse desinunt, amittunt  
ipsa diuturnitate innocentiam,  
& dum crescunt furore, causa  
minuuntur. Timendum est, ne  
istius, quod geritis, tam diuturno  
tempore, & tanta malignitate  
clementissimus Dominus offen-

datur. Non ignoratis quanta seueritate Christus omnia de regno suo scandala voluerit amputari, vt qui eorum authores iusserit mola asinaria collo appesa in flumen mergi. Nolim equidem facta Principum aut durius interpretari, aut celerius damnare. Sed tamen cauendum est, ne si tot calamitates, & funera ser pant ipsa odij contagione longius, piorum omnium offendatur animus, & ne impiorum dicaces linguæ in Religionem nostram exacuatur. Stupebant olim Gentes charitatem Christianorum. Vide vt se diligant. Vide vt pro se inuicem mori sint parati. Capiebantur admiratione virtutis, qui nondum nouerant fidem: Nihil humile, nihil profanum ab ea mente expectabant, quæ se fraterno Amori deuouisset. At nunc si spectent Ethnici fratribus aduersa fratrum signa, quid aliud dicant, nisi, vide, vt se trucidant, vide vt laniant, vide, vt mutuis sese odijs discerpunt. Aut ille sine Christo, aut Christus sine pace. Durum dictu, sed

sed verum. Multum res Dei patitur in istis dissidijs detrimenti, multa, & horrenda luget Ecclesia. Aut ipsa quam profitemur Religio nostros errores accusat, aut ipsi accusamus Religionem. Per nos insultant fidelibus infideles, sacris profani, Christo Iudæi, Ecclesiæ Barbari. Si vile nostrum nobis est decus, cur Dei prodimus honorem? cur hereditatem dilapidamus?

Deinde quis est tam excors, ut nō videat dissensionem Christianorum semper extitisse infidelium prædandi occasionem? Dum hac atrocitate cognatæ inter se nostrorum acies configerent, nobis Rhodum, nobis Constantinopolim, duo nobis Imperia Turcæ eripuerunt. Num putamus miserantis Dei indulgentiam quodam miraculo fecisse, ut tam potentem, tam acerbum hostem, bellum Persicum a nostris cladibus auocaret? Sed hoc magnopere timendum, ne si tot irantum turbines pergant insanire, ad laceras miserorum regnorum reliquias, aperto per nos a-

ditu violentus, & ferox aduolet.  
Verendum ne Prouidentia numis-  
tories nostris iniurijs laceffi-  
ta, iam per fraterna diffidia con-  
cisos frementi prædant Leoni  
obijciat. Non alijs de cauffis,  
non alijs facinoribus, maxima-  
sapè conciderunt imperia, & no-  
centes Dominos aliena domina-  
tio preffit, allifa pofteritas defti-  
tuit. Num poſtea infelicitium Re-  
gum manes æterni in ima nocte  
circumſtarent gemitus, per quor  
contigiffet, Chriſti regnum in  
Sarracenorum manus poteſta-  
temque deuolui?

Addite iam PRINCIPES, ve-  
ſtrorum ſubditorum graues æru-  
mnas, & laborioſam ſeruilitatem.  
Cogit vos neceſſitas membra  
deuorare veſtra, vt quæratís alic-  
na. Tot Populí à Præpotenti  
Deo veſtræ pietati, & curæ com-  
miſſi, vt per pacem, & concor-  
diam, per cultum numinis leges-  
que ſanctiſſimas in felicitatem  
coagmententur, aut hoſtium fu-  
rori patent infelices victimæ, aut  
per implacabilem exactorum a-  
uaritiam ad imas uſque medul-  
las

las depasti, sub grauissimis oneribus suspirant. Quibus pepercit gladius, hos per lentas mortes egestas depopulatur, fames eneeat, obruit calamitas. Viuunt cæli, solique extorres: non illis patria, non domus, non quies, non cibis. Rem olim optatissimam timent, atque oderunt fœcunditatem, ne cum bonorum non possint, filios miseriarum habeant hæredes: Vitam quam per tot discrimina seruauere, incipiunt detestari, vobis inutilem, sibi calamitosam. Spoliari semel omnibus cupiunt, ne quotidie spoliarentur. Sed patiuntur interim res diuersissimas, amissionem omnium, & capitationem singulorum. Deueniunt in sæuum necessitatis imperium, vbi nec viuere honestis licet, nec quietis mori; fiunt de hominibus spectra sibi ipsis formidanda. Vendicant se interim non semper inanibus diris, & per tot lucis tædia lux omnis decurrit. Dum census illis deperit, perit erga vos Amor, qui vestras olim Coronas suis manibus texuit, & ornauit.

Cogitate, PRINCIPES MAXIMI, supremam post Dei honorem, & cultum legem exstare vobis Populi salutem. *Non mihi dixit olim fortissimus Imperator, sed exercitui fitio.* Non tam vobis ipsi nati estis, quàm subditis. Illorum curæ si sapitis, vos excruciant, onera fatigant, premunt miseriæ, querelæ exanimant. Quid prodest seruari desolatis, & ab hoste per direptiones defendi? Miserrimus est Pastor, à quo plura tutelares pecoris Dij exigunt, quàm vorare possint Lupi.

Iam verò quod infelicissimum est exhausto censu, iacente animo, omnes Virtutes iacent, silēt leges inter arma, blasphemii loquuntur, gladiatores impunè debacchantur, latrones spoliant, insidiantur homicidæ, effrænata libido grassatur. Conuulsa profanis ignibus flagrant templæ, disijciuntur aræ, corrunt sepulchra gementibus ipsis mortuorum manibus, calcatur iustitia, luget Religio, animis mœrore oppressis, languet pietas, non solum



omnia peruertuntur, sed peruersa negliguntur, quasi sic oporteat, sic expediat fieri, sic iubeat criminum Mater necessitas.

Quod si res etiam vestras spectetis, obsecro, PRINCIPES, Quid potest esse vobis inter tot bellorum funera iacundum? Mouendæ sunt vobis terræ, inquietanda maria, etiam per tot pericula ad maius periculum. Quærenda mors cuique obuia per durissimos labores, non erraturis, si pax peteretur. Multa domi infida, foris infesta, ægrè magni parantur exercitus, facillimè dilabuntur; Mars communis, & incerta præliorum alea. Prospectæ res non fatiant, aduersæ lato vulnere ferunt, & altissimè descendunt in pectus. Ipsæ sæpè Victoriæ noua sunt rixarum, & dolorum femina. Nec erectis stare, nec lapsis iacere licet. Crescunt ubi semel cœpere discordiæ, & viraces nutriunt flammæ, trahunt sæpè Victi Victores, & nimia fortuna super ipsas glorias ruit. Omnia expectantibus pauida, sæpè fallacia sperantibus,

Horrida desperatis . Ingressus  
 bellorum turbidi, progressus du-  
 bij, exitus crebro miserandi.  
 Exhaustiuntur pecunię ad emen-  
 da regna suffecturę, amissi lu-  
 gentur Duces, quibus nihil de-  
 erat pręter immortalitatem Ob-  
 repunt lauro cupressi, & palmis  
 funera distinguuntur . Stant vi-  
 ctiores super oppressorũ ruinas,  
 ipsi exhausti sanguine, & viribus,  
 tumulo propiores, quàm trium-  
 pho . Perditum crederes Regnũ,  
 nisi crederes hostes perdidisse .  
 Quantò satius esset pacificis, vt  
 indulgentia fortunę, nec toties  
 in vos prouocare fata cessantia .

Certè si quis sensus Christia-  
 ni nominis, si quę miseratio hu-  
 manitatis, mouere debet animos  
 afflicta iam omnium pene, quę  
 Christo militant, nationam con-  
 ditio, & durissimum cuique vi-  
 deri, per fraternas acies excindi  
 gentem, quam Christus Domi-  
 nus sibi peculiari iure desponsa-  
 nit . Germania illa quondam ( vt  
 aiunt ) vagina populorum, mater  
 fecunditatis, domicilium litera-  
 rum, & Martis officina, nunc la-

tē squalentibus campis mœret,  
tot dirutis urbibus, tot viris ex-  
haustis, tot consumptis opibus,  
tot templis dissectis, tot sacrarijs  
expilatis, miserandum ad extre-  
mos usque cineres insultātis for-  
tunæ ludibrium. Lotharingia  
Solymam calamitatibus vicit, &  
ea pertulit, quæ facere supra om-  
nem barbariem sit, & supra om-  
nem miseriam pati. Belgium per  
cicatrices quotannis petitur, &  
lenta inter funera trahitur. Per-  
uasit Angliam arcanum virus, &  
inopinantes in cæcum Martem  
traxit. Hispania tamdiu victrix,  
tamdiu belli, & tumultus nescia,  
iugi semper impatiens, & malo-  
rum expers, per iugulum petita  
est. Timor afflauit Romam, li-  
bauit ferrum Italia, & nisi Prin-  
cipibus, rebusque publicis mens  
sagax, solersque consilium con-  
stitisset, nisi intentæ, & in salu-  
tem publicam vigiles curæ, ti-  
mendum illi fuit, ne in commu-  
ne exitium rueret. Ecquid inta-  
ctum? ecquid non miserum? Si tu  
*Victrix Provincia ploras*, si tu  
*Gallia* tam sæpe hostium trium-

phatrix luges, è tuis visceribus  
peti tela, quæ in alios spargan-  
tur? Cõuelli te, vt disricias, perdi,  
vt perdas? Quid profunt ægris,  
& inter rapinas bonorum mœ-  
rentibus populis steriles laureæ?  
Quid defecto corpori, & tot fe-  
bribus æstuantî immissi naribus  
flores? Malignum certè solatiij  
genus, ex aliorû doloribus suam  
computare felicitatem! Nihil in  
tot cladibus lætum, nihil incolum-  
me. *Omne caput languidum, &*  
*25. 1. 5. omne cormœrens. A planta pedis*  
*usque ad verticem non est sanitas.*  
*Vulnus, & tuor, & plaga tumens,*  
*non est circumligata, nec curata*  
*medicamine, nec fota oleo.*

O si quis rerum potens ex al-  
ta specula Christianum orbem,  
in tot miseriarum incendijs su-  
spirantem posset intueri, totis  
certè commoueretur visceribus,  
& crudelem sese existimaret, nisi  
faceret salutarem! Duræ aures  
quæ hæc inflexæ audiunt! Du-  
riores oculi qui vident immoti!

Dicam profecto, Principes  
optimi, quod ad rem vestram  
maximè spectat; dicam quod uti-  
li-

litatem simul, & gloriam vestrae dignitatis cōplectitur; Sint opto vestra imperia firmissimis fixa radicibus, sint vrbes subditæ, sint obsequiosi ciues, sint pacata in domesticis omnia. Sed vereri tamen oportet, ne populi qui se sub Regibus tam durè haberi vident, & vicinas sibi respublicas tanta lenitate perfrui, incipiant monarchiam odisse, & se legitimis (quod nefas est) Dominis subtrahere, vt malorum inueniant in libertate perfugium.

*Hæc multos ante annos scripta, quæ vera multi euentus prodidere.*

Iniquum certè est hodie solas respublicas pacatè degere, & regna Christianorum vbique conuelli, & misera laceratione discerpi. Atrox Imperij rigor multa sæpè Imperia dissoluit, & durior seruitus populos in libertatem asseruit. Post inquinata Regum Hebræorum tempora, reuersis iam ex longa captiuitate Iudæis, auersa mens à Regibus, & quingentis ferme annis, nullus de diademate cogitare ausus ante Aristobulum, qui id sibi assumpsit potius quàm recepit, nec satis fundatum, nec in fragili atque

que infelici sobole diuturnum.

Regnavit Athenis Cecrops  
Mosis temporibus, quē septem-  
decim Reges sunt consecuti, qui-  
dam fastus, & inertia pari: hos  
Archontes perpetui de solio de-  
iecere, cumque Imperij diutur-  
nitas securitatem illis faceret vi-  
riorum, ad decennales res tan-  
dem redacta est.

Spartanorum Reges fastigij  
quoq; sui gloria lasciuientes diu  
fors non tulit. Temperavit sce-  
ptum Lycurgus, instituto vigin-  
ti octo virorum Senatu. Senato-  
ribus additi postea Ephori, au-  
thoritate contra Reges nimia, &  
omnibus inuidiosa.

Romæ regnatum initio à Re-  
gibus septem, quorum postremū  
cum gentem Martiam per om-  
nem petulantiam regerent, ma-  
gna vi & ingenti dedecore ex-  
puli æternam fere Regiæ pote-  
statis odium liberis cervicibus  
reliquere.

Nihil attinet hic antiqua per-  
censere tempora, nostro ipsi sæ-  
culo vidimus quantas furenti-  
bus populis faces rigidior pote-  
stas

stas subiecit, qui omnia passi, omnia quoque tentare ausi, quę per-  
tulerant regna longis & atroci-  
bus bellis vsurpare. Absit à ve-  
stris subditis tam læua mens, ab-  
sit quouē à vobis contemptus &  
rigor, ne diuina faciat manus  
quod pauci formidant, nulli fa-  
cere audent, omnes exhorre-  
scunt. Date igitur, Principes, fes-  
sis rebus solatium, & pacem tur-  
bidis, in quam omnium vota  
conspirant.

Ecce tandem Dei singulari  
munere datus nobis Pontifex  
Optimus, Maximus, vir integer-  
rimæ vitæ, consummatæ peritiæ,  
ingentis animi, & zeli ardentissi-  
mi, in quem omnium suffragia  
mirificè conspirarunt. Hic est  
*arcus resurgens inter nebulas glo-*  
*ria, vt à Sapiente dictum est.* Hic *Ecc. 59.*  
8.  
est, quem post tot procellas, tot  
tempestates, post hoc Christiani  
generis diluuium, Deus osten-  
disse videtur, quasi restaurato-  
rem rerum, pacificatorem mun-  
di, malorum vindicem, bono-  
rumque largitorem. Et quidem  
non humano consilio, sed diui-  
na



na prouidentia factum est, vt in  
 auitis insignibus columbam præ-  
 ferret oliuæ ramo insignem, quæ  
 haud vanis nunciet augurijs, iam  
 cælestis illius Sionis quæ tota in  
 pace, tota in concordia posita  
 est, huic veluti Patriarchæ Noe-  
 mo apparere montium cacumi-  
 na. Hæc est, opinor, columba de  
 qua cecinit Propheta, penna co-

*Ps. 67. lumbe de argentata, & posteriora  
 2. 14. eius in pallore auri, vel vt alij ver-  
 tunt in auro obrizo, hoc est opti-  
 mo.*

Argento purior semper extitit  
 INNOCENTIVS per mores  
 candidissimos, sed nunc poste-  
 riora vite ipsius seculum aureum  
 mundo pollicentur. Hic non so-  
 cordi magnitudine luxurians, in-  
 ter gemitus Ecclesie feriatur, sed  
 labore impigro, & animo sem-  
 per vigili, pro Christo spirat illu-  
 stribus curis intentus, & incubit  
 humani generis solatio. Adiuuat  
 PAMPHILII nomen omnibus  
 amabile, adiuuat INNOCEN-  
 TII toties hominum saluti con-  
 fecratum.

INNOCENTIVS primus A-  
 la-



laricum Imperij Romani præda exultantem suis precibus extinxit, & æternæ vrbs faciem feralis belli fuligine infuscatam suo splendore deterfit.

INNOCENTIVS secundus Pseudo-Anacleti schisma dissipavit, & Christianum orbem ingenti discordia dissipatum, annitente sancto Bernardo, cōposuit.

INNOCENTII tertij inaugurationem cādidiſſima columba ad latus eius aduolans illustravit; haud dubiè designans impensum studium quo Principes omnes Christianos inter se firmis adstringere fœderibus, & in communem Religionis hostem mouere conatus est.

INNOCENTIVS quartus Lugdunum venit, vt pacem fessis Ecclesiæ rebus optatissimam cōciliaret, & Fridericum Imperatorem plurima mouentem, perturbantemq; omnia sua auctoritate summooueret.

INNOCENTIVS quintus, *Cibo*, vbi primum coronatus est, statim animum ad pacandas Italiæ ciuitates adiecit, & tam pijs  
stu-

studijs immortalis breuem Pontificatum paternæ in populos curæ gloria distendit.

INNOCENTIVS sextus cum Galliam, & Angliã exitialis belli incendium deuoraret, impigrè stetit pro domo Dei, & ingenti spiritu pro pace inter Ioannem, & Eduardum Reges vbique laborauit.

INNOCENTIVS septimus non aliter ad hunc supremæ dignitatis apicem cõscendit, quam post fidelem operam constantissimè nauatam in mitigandis Principibus, pacificandisque vrbibus Italiæ, quas maligna discordiæ vis agebat in præceps.

INNOCENTIVS octauus scientissimus Pacis inter Reges Christianos fuit, & neminem mouere arma sine grauissimis, & necessarijs causis ferre equo animo poterat.

INNOCENTIVS nonus cum ante Pontificatum Nuncius esset Apostolicus Pij V. apud Venetos sex annis commoratus, hos cum Summo Pontifice, & Philippo II. Hispaniæ Rege armis

mis animisq̃ue coniunxit, & in Turcam impulit: vnde illa celeberrima ad Naupactum victoria Sarracenorum audaciam fregit, & res Christianas mirum in modum extulit.

O natum Paci Innocentiorum nomen! o lætam Christianis appellationem! Cumulabit Decimus quod nouem tentauere, tanto maior, quanto numerus hic augustior.

Perge, Innocentij columba, perge, alas argenteas explica, circumtola terras, & maria, mundum lustra, prætende vbique oliuam celestem tanto desideratam ambitu, & tam longis expectatam votis; da pacem, pacem toties appellatam, quæ à te vincto Domini, aut à nemine hodie videtur imploranda.

Quid restat, Principes Maximè, nisi quod hætenus denegastis rationi, detis precibus, si per vos liceat, semper inuictis. Quicquid iratos cohibere, quicquid placare potest armatos, vno vobis iam occurrit agmine, vt & sic orari sit honorificum, & pudeat non exorari.

Ec-

Ecce vobis Pontifex Opt. Max.  
 totius Ecclesię pastor, & parens,  
 amicas tendit manus, & cū iu-  
 bere possit, rogat. Agit suppli-  
 cem, oblitus pænē Pontificem:  
 Vir cœlo dilectus, & melioribus  
 auspicijs natus, dignus qui vbi-  
 que terrarum circumferat felici-  
 tatem, per tot prospera patitur  
 vos aduersos. Diuinum illud, &  
 fastigio suo par ingenium tot  
 oneribus oblectatur, acri, & ve-  
 geta senecture, à vobis premitur.  
 Vrgentur viscera paterna, toties  
 Filios genitura, quoties Paci cu-  
 pit reconciliatos. Pudeat non  
 audire, cuius Antecessorem au-  
 diuit Attila. Pudeat nō obedire,  
 cui mundi flagellum obtempera-  
 uit. Ætate longæuus est, hono-  
 rate canos: Primus est Orbis.  
 Pontifex, obseruate dignitatem:  
 Pater est, agnoscite charitatem.  
 Absit vt mitissimus ille Iacob  
 cogatur dicere. *Simson, & Leui*  
*fratres, vasa iniquitatis bellantia,*  
*in consilium eorum non veniat*  
*anima mea: & in cœtu eorum non*  
*sit gloria mea. Maledictus fu-*  
*er eorum, quia pertinax, & ir-*  
*di-*

*Gen. 49.*

*Ignatio eorum, quia dura.*

Tota cum suo Pontifice ingemiscit mater Ecclesia olim triumphans, nunc deformata, squalore obsita, perfusa lachrymis, confecta curis, & doloribus: Obsecrat ne permittatis Amorrhæos & Moabitas suis cladibus insultare: Ne sinatis illos petulanter obijcere, quod Barbaros habuerit veneratores, filios pænè senserit parricidas. Quoties per Iubilæa vidimus Sacerdotes Sæctuario cum gemitibus affusos? Quoties Religiosos pertinaci prece fatigantes Altaria? Quoties sacras Virgines per crebra suspiria Cælestium opem implorantes? Quoties supplicibus votis effusam per templa multitudinem? Quantus hic, & qualis rigor, si, quod omen Deus auertat, tam pauci homines nolint totum Orbem exaudiri, & ferreum nobis Cælum, ac fere nocens faciant, dum aut non videtur audire, aut quod audit contemnere.

Vel ex utilitate publica putant esse à bellis nunquam feriari, vel ex sua: si ex publica, audiant Au.

Libro 4, gustiru n clamantem. *Fragiliter de Ci-* splendorem esse felicitatem semper  
 uit. *Dei in bellicis cladibus, & in sanguine*  
 cap, 3. *ciuili, vel hostili, tamen humano*  
*cum tenebroso timore, & cruenta*  
 Idem li. *cupiditate versantium. Feliciori-*  
 4, c. 15, *bus rebus humanis parua regna esse*  
*concordi pietate latantia. Procul-*  
*dubio melius esse bonum vicinum*  
*habere concordem quam vicinum*  
*malum subiugare bellantem. Ma-*  
*la vota sunt optare habere quem*  
*oderis, vel quem timeas, ut possit*  
*esse, quem vincas. Si Augustino*  
*non credunt, experimentis cre-*  
*dant, & videant ut compendia*  
*captarum urbium fuerint semper*  
*dispendia capientium; & tot vi-*  
*ctorijs paratam famem, & mise-*  
*riam triumphantium populorū.*  
*Quod si è re sua existimant bel-*  
*lorum tumultus nunquam finiri,*  
*num iniustissimi sunt, qui lacera-*  
*ti orbis lachrymas in felicitati-*  
*bus suis ponunt, nec aliter bea-*  
*ti esse possunt, quàm si omnes*  
*miseri fuerint. Sine cognatione*  
*illū esse oportet, juxta Homerum,*  
*sine Iure sine Lare qui belli ama-*  
*tor est voluntate potius quam*  
 ne



necessitate. Pauperrimum quoque qui cunctorum calamitate diues est. Quàm multos mobili, & semper pugnaci ingenio attriuerunt pœnæ, & furia, quas in cæteros concitauerant! Achitophalem belli Iudaici inter Patrem, & Filium incentorem infamis laqueus absumpsit. Alcimum Iudæorum pseudo-Pontificem, proditorem sui generis, facem alieni, vltrices Dei manus confecere. Alexander Macedo, dum belli vnus alterū gradum facit, quietis impatiens, & noui semper audus sanguinis, dum suos extra Solis, & Oceani metas trudit in prælia, veneno perijt ipsa domesticorum manu, quibus nimia pugnandi libidine ceperat esse odiosus. Ereptus est rebus humanis, vt aiunt, viridis Deus, ne mundum vltra vexaret armis, quem beneficijs demereri oportuit. Hannibalem, dum inextricabiles bellorum vbique causas nectit, infamis senectus pressit, solitudo abdicauit, venenum ipsius manu propinatum sustulit. Romani victores orbis  
seu-

semper pleni, & semper cupidi,  
 dum quietis ædem extra portas  
 suas relegant coniuratas. in se  
 omniū manus sensere, & septies  
 captam Reginam urbium, de  
 qua Sibylla dixerat; *Erit Roma  
 Vicus.*

*Anno*  
 888.

Citatur à Cardinali Baronio  
 Caroli Crassi Imperatoris libel-  
 lus de visione ipsi ante triennium  
 quàm Imperio cederet, ostensa,  
 in qua narrat se in locis inferis,  
 & purgatorijs vidisse complures  
 Principum, & Episcoporum, qui  
 bellorum fomitem incendiissent,  
 animas grauissimis supplicijs tor-  
 queri. Eo tempore Italia, & Gal-  
 lia, vt ibidem doctissimus ille  
 Cardinalis scribit, diris factioni-  
 bus agitæ, atque afflictæ, &  
 quod deterius videri potuit, &  
 planè monstruosum, Episcopi, &  
 Abbates armati ad bella proces-  
 sere, quod execrandum facinus  
 cum diu inoleuisset in Gallijs, in-  
 de factum est, vt florentissimæ  
 Prouinciæ bellis externis, & ci-  
 uilibus accisæ lugerēt. Hoc quo-  
 que omnium deterrimum acces-  
 sit, quod ab illius temporis scri-

*Baronij*  
*verba.*

pto-



ptoribus laudati reperiantur Ecclesiastici, nomine bellicæ fortitudinis, cum potius detestandi fuerint, tanquam Sacrorum Canonum violatores & muneris pastoralis desertores. Hæc Baronius.

Varnensis clades, quæ luctuosissima Christiano orbi super cæteras fuit, authorem habet, atque ad stipulatorem è clero Iulianum, qui cum repetendi, contra fœdus, belli suasor fuisset, ingentes nostrorum copias Amurathis furentibus gladijs obiecit, ipse cum adolescente Rege Saracenorum ferro concisus. Ita contentiosos, atque atroces animos Nemesis sequitur, nec patitur quietos, qui omnium otia in turbas sollicitauere. Hæc in tam illustri exemplo posita nihil mouebunt? nihil efficient?

Patientur nè iterum fratres infestis armis concurrere, & regna labantia tot eladibus atterere? Heu! Fratres obliti fœderis, obliti nominis volunt extra orbem furere, occidere volunt quem non possunt odisse! At, dicet

cet aliquis, minuta est ista sanguinis ratio, & ad pacem componendam parum apta. Reges enim subditos habent: affines, & consanguineos non habent. O vocem crudelem, hostem humani Generis, & naturæ parricidam! Ibi cumulum oportet esse criminum, vbi maximarum est oblitio Charitatum. Vbi Christus exultat, vbi Amor non est, aut nullum, aut ruine proximum est Imperium. Sarracena Regna per scelus fundata stare aliquando cum scelere possunt, Deo furoris sui Virgas ad nostra supplicia destinante: Christiana septra, quæ per fidem, & pietatem exorta sunt, ijs orbata, atque destituta per infamia Macichiauelistarum consilia omninò concidunt. Non cadit in tam pios Reges mens tam præpostera: Audietur aliquando Naturæ vox, resurget in omniū animis Christus, Charitas reuiuiscet, & laboranti

*Hæc sub Mundo tandem pacificator aliquis exorietur.*

*Regis* Nos licet, alijs remotos terris, iam circumfulsit Rex auspicatus.

catissimus, & suauissimus infans,  
paci regnorum, & orbis bono  
natus. O quot votis expetitus, &  
quanto precum ambitu sollicita-  
tus! O quoties stimulauit desi-  
deria! Quoties omnium spes ex-  
citauit, extitatas mora consum-  
psit, consumptasque renouauit.  
Tardè magna proueniunt: Mi-  
nùs fecerat, si properasset. Late-  
bat in abdita fatorum Maiestate  
terris ignotus, sed cælo iam di-  
ctante cognitus. Ostentatus est  
diu, antequam esset, nondum  
conceptus implebat ora vatici-  
nijs, & passus suos fama præuo-  
lante designabat. Tandem emer-  
sit optatus infans eo mēse, quem  
fortium Mensem appellant, in-  
gentis animi prærogatiua. Natus  
est Sole mediam Astræam obti-  
nente, legum moderatione re-  
cturus orbem: Ascendit cum  
Lyra concentum facturis publi-  
cæ tranquillitatis. Quod si tunc  
exertum Scorpius aculeum præ-  
ferebat, minabatur Sarracenis,  
& Idumæas nascenti palmas tam  
sæpè auorū sudore nobiles pro-  
mittebat. Risere prodeunti cæ-

lestes domus tot auspicantibus  
Diuis, & natum plausu totus or-  
bis excepit. Iam se nemo mise-  
rum putabat ortu felicitatis. Iam  
nemo felicem, quem ipse non fa-  
ceret. Deterfit eo die Gallia om-  
nem bellorum fuliginem, & pa-  
cis refulsit insignibus. Tot ha-  
buit ora quot flammæ, tot illi  
flammæ, quod sidera.

O Dilectum Deo Ludouicum!  
quem regenerasse videtur in fi-  
lio eo mense quo natus est! O  
Annam serò puerperam, sed ma-  
trem verè fortunatam, quæ fi-  
lium peperit, non tam sibi, quàm  
Galliæ salutis! Multum hic habet  
de Patre, multum de Matre,  
vtriusque reddit imaginem ipsa  
confusione gratiorem.

Risum tibi faciet Gallia, nouus  
Isaac, & quem vix audire loquē-  
tem potes, videbis consolantem.  
Quot catenas rumpent tam te-  
nellæ manus! Quot aperient car-  
ceres! Quot soluent exilia! Quot  
illuminabunt obscuratem parui  
oculi! Quot monstra pedes cal-  
cabunt infantis! Silete fluctus, si-  
lete tempestates, & omnes ma-  
ris

ris iræ ad tam placidi Regis nutum, & quam abstulistis reddite mundo serenitatem. Diu illum terris cœlestes commodate Virtutes, & quem tam salutarem fecistis, facite diuturnum. Abstinete ab illo manus fata, nec punctionem tangite nisi profutura. Facta hic auorum, & annos vincat, & mortalis natus nihil nisi immortale sentiat. Amer, & amari velit, timeat timeri. Sentiant oppressi liberatorem, iniusti vindicem, hostes animo bellicosum, sed Ciues mente Pacificum. Rapit omnes sensus Natalis ille, quem nobis æternæ pacis initium auguror. Specta de superis, LVDOVICE, tantum filium. Spectate Reges Christiani omnes quasi nepotulum. Date rebus fessis quietem, Conticescant arma ad iussus tanti Principis, tam potentis Oratoris, nec bellorum tumultus tam fœlicibus cunis obstrepant.

Ad vos iterum totus conuertor, PRINCIPES MAXIMI, per quicquid charum est, rogo: per quicquid sanctum est, obse-

cro: date poscentibus pacem, date tranquillitatem mundo in tot miseriarum incendijs suspiranti. Facite vt pacificatores vos potius suos, quàm vestrorum Regnorum eueriores orbis agnoscat. Memoriae proditum est in eo fatali bello, quod inter Gallos, & Anglos diuturna contentione, & feris cladibus tractum est, pium Anachoretam, quem vulgo Ioannem Gandauensem appellabant, ex syluis Deo instigante in aulas Regum deuenisse, vt ferales inter summos Reges discordias componeret. Ab Anglo spretus, & proteruè repulsus dira illi omnia denunciavit non vanus augur. Ad Carolum autem Galliae digressus, cum Principem deprehendisset ingenio miti, & ad pacis conditiones inclinante, prædixit fore, vt recuperato Regno Delphinum, quæ omnibus votis nasci optabat, haberet regni successorem. Vaticinium prospero euentu sancitum. Adeò pacis filios Deus amore prosequitur, bonorum affluentia cumulatos.

Timeat ille quisquis pacificis omnium votis reluctabitur, grauem sibi, & suis de cœlo manum, rerum successus infauitos, vitam in turbido, mortem in incerto. Cogitate, PRINCIPES OPTIMI, & MAXIMI, num sit æquissimum, quicquid potest esse in hoc sædere pacis detrimenti, quicquid honori, quicquid putatur Imperio detractum, fortunatissimis totius Christiani orbis commodis compensari. Hoc planè locuples est, hoc magnificum, hoc verè Regium, & ad omnem sæculorum memoriam propagandum.

Mementote vos Christianos imperare Christianis, tales vos hominibus præbete qualem vultis vobis præstari Deum. Hoc quicquid est vitæ anceps, & lubricum, quicquid est dignitatis fragile, quicquid est virtutis, vestram spectat æternitatem. Manet vos ingens, & spectatissimum Tribunal, manet Iudex purissima luce circumfusus, sub quo nec latere abdita, nec fucata fallere, nec peruersa vincere




80      *Angelus Pacis .*

vnquam potuerunt . Stabunt ad  
eius conspectum exutæ corpore,  
fortunis , Imperijs Regnum ani-  
mæ iusta , & iniusta clarissimo  
fulgore visuræ . Illic tonabunt su-  
premi Numinis edicta , clama-  
bunt oppressorum gemitus , la-  
crymę pauperum loquentur . Pro  
diuulsis aris stabunt tutelares  
Diui , & aduersus contumaces  
omnis Militia cęlestis consurget .  
Date operā **PRINCIPES** sem-  
per pij , semper inuicti , vt quę vo-  
bis inuitis , & reluctantibus per  
armorum licentiam sunt com-  
missa , per æquitatem vestram  
emendata , nullam sæculo labem ,  
nullam vestro nomini maculam  
relinquant . Efficite , vt iustitia , &  
pax in mutuos conueniant am-  
plexus , per vestra Regna , per ve-  
stras vrbes triumphali ferantur  
pōpa , totius orbis humeris por-  
tentur in fixas , & æternas sedes ,  
quas vt vestrę bonitatis moni-  
menta , & felicitatis nostrę pi-  
gnora colere ac venerari perpe-  
petuò licebit .

*Pax super Israel Dei .*

**OB.**





OBSERVATIONES  
ANTIQUÆ,

QUIBUS

SUPERSTITIOSA  
ASTROLOGIA

EXAGITATUR.



Æpè animaduerti  
Iudices Astrolo-  
gos, cum premun-  
tur rationibus ad  
experimenta con-  
fugere, & si quid illis fortè con-  
tigerit, quod arti satis destitutæ  
fauere videatur, id intemperan-  
ter extollere: Constitui hoc tra-  
ctatu post varias rationes exem-  
pla subijcere, quibus diuinatori-  
am istam iam planè cōcussam,  
penitus profligare.

82 *Observationes Astrologicae.*

SIXTVS ab Hemminga Fri-  
sius, author clarissimus, in libro  
de Astrologia, ratione, & expe-  
rientia refutata, observavit va-  
rias genituras, quarum aliae in  
viris valde illustribus sunt deie-  
ctae, in mediocribus, atque etiam  
infimis hominibus pulcherrimae.  
Lubet hic aliquas annotare, ut  
artis vanitas manifestis exemplis  
magis elucescat.

PRIMA OBSERVATIO.

**I**N genitura Pauli II. Pontifi-  
cis Maximi, qui Pio II. suc-  
cessit, videre licet solem in deie-  
ctione sua in Aquario, in oppo-  
sito Saturni, in termino Martis :  
Lunam in piscibus, peregrinam,  
in termino Martis, in domo o-  
ctava: Venerem dominam M. C.  
in sextili Lunae, in Capricorno  
positam, peregrinam, in cadente  
caeli loco, & termino Saturni :  
Caudam Draconis in M. C. quam  
hic ominosam, & honoribus exi-  
talem dictitant. Tempore ele-  
ctionis medium celum pervene-  
rat directione ad gradum 19.  
min.

*Observationes Astrologicae.* 83  
min. 2. Geminorum in quem nul-  
li cadunt radij beneficorum: Re-  
volutione ad grad. 20. min. 46.  
piscium, anno Domini 1464. 13 1.  
Augusti, ætatis suæ 46. completo  
cum mense 6. dieb. 24.

Vnde igitur ex tenui fortuna  
ad tårum euectus est fastigium?  
silent Astra, sola providentia lo-  
quitur.

## SECUNDA OBSERVATIO.

**I**N genitura Alexandri VI. qui  
Innocentio VIII. successit,  
videmus Solem in Capricorno,  
& Martem dominum medij cœ-  
li in Aquario, domo secūda, nul-  
lam habere prærogatiuam: Lu-  
nam iunctam Ioui debili, & pe-  
regrinam in domo cœli cadente.  
Tempore electionis, quæ fuit æ-  
tatis anno LXI. mediũ cœli per-  
uenerat directione ad grad. 1. m.  
1. Capricorni: reuolutione ad  
sextilem Martis, & Veneris in  
Sagittario, quod parum ad rem  
faciebat.

Sic obscuris Astris natus est  
vir politico ingenio magnus, &  
summa potestate toto orbe cla-  
rissimus.

## TERTIA OBSERVATIO.

**I**N genitura Iulij secundi, qui tenuissimis parentibus ortus, ad summum Pontificatum peruenit, ac Pio III. successit, animaduertere licet Solem dominum medij Cæli in Cancro peregrinum in domo octaua, & Lunam in Aquario, in quo nullam habet dignitatem in domo cadente, tertia: Martem in trigono Lunæ, in Geminis, & domo octaua. Tempore electionis medium cæli peruenerat directione ad grad. 23. mino Libræ, ad quã Gauricus natiuitatem direxisse videtur, resolutione ad grad. 3. min. 5. Cancri: ætatis eius anno 58. completo, cum mens. 3. dieb. 62. Vt nihil supersit Astrologis, quam vt referant hanc fortunæ excellentiam. ad constitutionem Reguli in apice medij cæli: & luminosioris lancis meridional sLi bræ in horoscopo. Sed istæ stellæ satis otiosæ in multis reperiuntur, nisi Planetarum illustrium societate stimulentur.

QVAR-

QUARTA OBSERVATIO.

**I**N genitura Ioannis Medices, qui Iulio II. successit, dictus Leo decimus, significatores honorum fuere Sol, Luna, Iupiter aspiciens Lunam trigono, Saturnus eandem intuens Sextili: Venus domina cæli, quorum nullus in propria domo, aut exaltatione fuit: Saturnus etiam in suo detrimento, in octava domo Luna in abiectissimo cæli loco; neque Iupiter fuit angularis, sed oppositus Saturno in domo fecunda: Electionis tempore, hoc est, ætatis anno 37. completo cū mensibus 2. dieb. 22. peruenerat M.C. directione ad grad. 22. m. 33. Scorpij; revolutione ad grad. 20. min. 50. eiusdem signi, qui quidem gradus nullis beneficorum radijs illustrantur. Hæc itaque dignitas ad solā positionem Veneris dominæ mediæ cæli in horoscopo, & Spice Virginis in apice M. C. referri potest, quæ tanti fulgoris causa nequitquam censeri debet, nisi ex  
ignis



86 *Observationes Astrologicae:*  
ignis scintilla solem oriri velimus.

## QVINTA OBSERVATIO.

**I**N genitura Iulij Medices, qui in Pontificatu Adriano VI. successit, & Clemens VII. fuit appellatus, significatores honorū fuere Sol in Geminis decima domo: Luna in Ariete, octava domo: Mars trino Solem aspiciens in Libra detrimento suo, in domo cæli succedente secunda: Venus domina mediæ cæli in extremitate Geminorū, & fine decimæ domus in terminis Martis: Mercurius dominus Geminorum signi intercepti, in decima, ibidem positus; Iupiter in nona domo propè cuspidem M. C. in Tauro: Ex quibus Solus Mercurius in proprio domicilio positus, cum oculo Tauri, in angulo honores significavit: cum ad tantam amplitudinem par esse videretur ut omnes Planetæ in dignitatibus positi suis facibus tantum natalem illustrarent.

SEXTA OBSERVATIO.

**I**N genitura Alexandri Farne-  
sij, qui Clementi VII. sucees-  
sit, & Paulus tertius fuit appella-  
tus, Sol in Piscibus in angulo  
mediocres dignitates significat:  
Luna in Tauro magnas quidem,  
sed quia in succedente domo, &  
iuncta Marti, modicas: Iupiter  
in detrimento suo, duplici testi-  
monio negat, tum quia dominus  
est mediæ cæli: tum quia solem  
quadrato intuetur, sed minuit  
significationem hanc constitutio  
angularis: Mars Solem aspiciens  
duplici quoque testimonio negat  
honores, tum quia in detrimen-  
to suo versatur, tum quia in do-  
mo tertia: Similiter & Lunæ iun-  
ctus duobus modis negat: Nul-  
la igitur hic vides magnifica pro-  
missa. Sed tamen hæc omnium  
favores stellarum illustrare de-  
buerant virum & meritis, & di-  
gnitate cumulatissimum.

## SEPTIMA OBSERVATIO.

**I**N genitura Caroli V. honorum significantores fuere, Sol peregrinus in Piscibus domo succedente: Luna, in horoscopo quidem, sed detrimento suo Capricorno: Mercurius iunctus Soli in detrimento & casu suo, in termino Martis: Iupiter Sextilia aspiciens Lunam in domo quidem propria, sed sub radijs solaribus: Mars Solem spectans dominus medij cæli in Tauro detrimento suo. Itaque demissa est genesis Imperatoris qui orbem totum fama nominis implevit.

## OCTAVA OBSERVATIO.

**I**N genitura Ferdinandi Imp. significantores fuere, Sol dominus M. C. in fine Piscium peregrinus, in termino Martis, in succedente domo, in quadrato Saturni: Luna in Virgine solam habens triplicitatem, in quadrato Iouis infelicitis: Mercurius iunctus Soli in quinta, in detrimento



*Observationes Astrologicae.* 89  
to suo, & casu, in termino Martis, in quadrato Saturni: Saturnus Solem aspiciens quadrato in octava domo: Iupiter in septima quidem, & cum oculo Tauri, sed in detrimento suo. Quibus igitur gradibus solium imperij conscendit? non ijs, quos Planetæ, suggerere, sed quos providentia substruxit.

#### NONA OBSERVATIO.

**I**N genitura Maximiliani II. Imp. significatores fuere Sol, Lunæ, Mercurius Soli iunctus: Iupiter quadrato aspiciens Lunā, & dominus medij cæli: Mars dominus signi intercepti in decima. Ex his Luna, & Mercurius nullam habent prærogativam.

#### DECIMA OBSERVATIO.

**P**etreus Tyara Medicus, ac Philosophus, magna cum laude litteras Græcas professus Louanij, & Duaci, & etiamnum in Academia nova Leydensi eandem navans operam, cum Solē  
in

90 *Observationes Astrologicae.*  
in horoscopo habeat in leone  
domo propria, Ariete domum  
decimam obtinente in quo exal-  
tatur Sol: & Lunam in Tauro  
propria domo, & in decima cum  
parte fortunæ, & Iouem domi-  
num M. C. iuxta Aldebaran, ,  
quos Apices huic astra non pro-  
mittebant; & tamen solum ha-  
bet unde familiam liberaliter su-  
stentet, ac opibus non abundat.  
Et hic quidem Astrologiam con-  
temnit, & Astrologos meritò de-  
ridet, modica, ac frugali fortuna  
contentus securissimè viuens, at-  
que ipse sibi Philosophiæ præsi-  
dio abundè supplens, id quod  
fallax Astrologia promiserat.

V N D E C I M A  
O B S E R V A T I O.

**N** Ouit Hemmingas quen-  
dam qui per totam vitam  
occupatus fuit impetrandis bul-  
lis indulgentijs, & dispensationi-  
bus Pontificijs, qui multis qui-  
dem impetrauit multa, nihil sibi:  
Natus anno 1509. 27. Martij  
hor. 21. min. 30. Solem habuit  
ia

*Observationes Astrologice.* 91  
in exaltatione propria, & angulo decimæ grad. 17. min. 9. Arietis : Lunam in domo propria gr. 15. min. 2. Cancris, in horoscopo, cum ascenderet gr. 13. min. 33. Cancris : Iouem in trino aspectu Solis in grad. 17. min. 53. Sagittarij domo propria cum capite Draconis : Venerem in trigono Lunæ, & dominam M. C. positam in exaltatione sua grad. 13. min. 34. Piscium, in apice M. C. vt ad dignitates consequendas vix aptiorem genituram possis animo concipere, coactus interim iam senex ad diuitum mensas *aliena vivere quadra.*

D V O D E C I M A  
OBSERVATIO.

**M** Atthæus ille Taphurius quem Gauricus prodit in literis Latinis, atque Græcis, nec non & Mathematicis disciplinis præclarum fuisse, ac postea vocat potatorem, bardum, vanum, mente captum, ac misellum, Solē habuit in propria domo Leone cum Regulo, & in horoscopo,

92 *Observationes Astrologicae.*

po, quæ sola constitutio Solis cum nulli obstant sinistri radij maleficorum, suffecerit, & ad honores amplos, & ad longos annos, cum tamen hic beatulus Astorum pullus abiectam vitam sortitus fuerit, & innumeris calamitatibus conflictatus.

DECIMATERTIA  
OBSERVATIO.

**E**st etiam apud Gauricum Francisci Roscij Rauennatum quondam oratoris ad Leonem X. genitura in hac significatione tam illustris, ut non facile parem inuenias, & merito iudicari potuerit summi cuiusdam Imperatoris fuisse. Solem habuit in Leone, grad. 20. min. 50. cum regulo in 7. Lunam iunctam Ioui in Cancro, quæ domus est Lunæ, exaltatio Iouis, in angulo quoque parte Luna iunctam habuit Venerem, & Mercurium in principio Leonis maleficis interim, altero in Sagittario nullum planetam neque horoscopus, aut M.C. sauo intuitu aspicientibus,

bus, ut videre licet ex calculo totius genituræ. Et tamen scribit L. Gauricus grauius vulneratum, & ab aduersarijs amputatam ei fuisse manum sinistram, demum, & violenta morte periisse. Patet, non solum in dignitatum significatione, sed & hac in parte fallacia, ac vanitas Astrologiæ, cum ne minima quidem indicia violentæ mortis hic extiterint, Luna Ioui iuncta, & Saturno in octaua, non occupante signum violentum.

DECIMA QVARTA  
OBSERVATIO.

**S**ic etiam Franciscus de Monza Mediolanensis Musicus clarissimus, quatuor habuit planetas in dignitatibus suis essentialibus, honorem significatores. Solem habuit iunctum Mercurio in Virgine domo Mercurij in medio cæli: Lunam in Tauro domo propria, in trigono Mercurij & Solis: Iouem in quadrato Solis: in Sagittario, cum corde Scorpij, in domicilio proprio;  
in

in angulo primæ domus: ac Mercurium med. celi dominum felicissimo celi loco positum, & in figura celi potentissimum: Venerem, & Martem, quanquam significatores non fuerint, hunc tamen in exaltatione sua positum, illam cum regulo. Hæc facere debuerant Cardinalem, & Eminentissimum, aut certè Pontificem ornatissimum, nec tamen præter artis summe peritiam aliquid sublime est assecutus.

#### DECIMA QUINTA OBSERVATIO.

**N**atus est circulator, & agyrta quidam Anno 1540. 8. Aprilis, hora 23. min. 55. cuius thema natalitium tale fuit: Sol, ut liquet, in apice med. celi in exaltatione propria: Luna quoque in exaltatione propria, in Tauro, in domo decima cum Aldebaran, & cum ipsa Venere domina Tauri, quæ tertia significatrix est. Jupiter autem, & Saturnus quanquam ad hanc significationem hic non pertineant,

*Observationes Astrologicae. 95*

valere tamen plurimum debet  
utriusque positio in sua exalta-  
tione. Hic sua grandiloquentia  
mirè triumphat, nugatoria stre-  
nuus potentia, auditores suos na-  
so suspendere adunco, beneficio  
videlicet corporum cælestium,  
quæ ei nascēti tam feliciter emi-  
cuerunt, ut vix sit dubium, quin  
aliquando sit multò adhuc ma-  
ximè exaltandus, puta laqueo ad  
furcas. *Hæc Sextus ab Iremmin-  
ga.* Sufficiat sola inspectio geni-  
turarum Ludouici Sfortiæ, eius-  
que filij Francisci: Nam pater  
post aliquot annos fragilis Prin-  
cipatus, Mediolanensis, suorum  
proditione captus, ditione, ac po-  
tentia priuatus, & in Galliam  
procul abductus, septem fermè  
annis in captiuitate vixit, atque  
ibidem infelicitè vitam clausit,  
cum quatuor planetas Solem, Io-  
uem, Martè, ac Venerem in pro-  
prijs domicilijs positos habuerit:  
Saturnum præterea in exaltatio-  
ne sua cum spica verè potentiissi-  
mos honorum, ac dignitatum si-  
gnificatores: Hunc ipsum casum  
non prævidente, aut vaticinan-  
te ce,



te celeberrimo quodam Astrologo suo, quem domi aluisse, & in quavis re suscipiēda curiosè admodum consuluisse traditur. Filius verò cū nullum planetam in dignitatibus suis essentialibus præter Martem in Scorpione octava domo, quæ hæreditatis est, habuerit: Sole in duodecima, in Aquario detrimento suo versante; mirabili tamen rerum vicissitudine, post fatum patris, post restitutum Maximilianum fratrem, & rursus à Francisco I. Francorum rege circumvinctum, tandem post multos annos beneficio, atque ope Caroli V. Imp. Mediolani, atque Insubriæ principatum recuperavit. Harum rerum qui vberiore cognitionē requirit, poterit haurire ex monumentis eorum, qui res Italicas descripserunt, & comperiet prodigiosam fortunæ commutationem.

Scripsi epistolam Gallicam ad illustrissimum virum, in qua exempla quædam haud ignobilia oculis subiecti: quorum non pigebit hoc loco quædam apponere.

Car-



Cardanus audacter, ut solet, aggressus est Neronis Horoscopum, de quo exclamat, *hæc est vera Neronis genitura, nec nix nivi similior*. Sed tamen quam aberrat à scopo, quam tenetè vagatur extra rem! Cum enim priùs verum illius natiuitatis diem assignasset, nec congruere cum astris inueniret, in postremis curis, nempe in libro 100. geniturarum, Neronem natum scribit anno Christi 38. die 14. Iunij, quod manifestissimè pugnat contra Suetonium accuratissimum authorem, qui ad 15. Decembris reïmittit. Decimus enim quartus Iunij cuius hîc meminit, dies est morti Neronis ab historicis ascriptus, nō autem natiuitati. Ex quo patet, quam ridiculè exclamat, *hæc est vera Neronis genitura, nec nix nivi similior*, quam hæc genitura gestis, moribus, ac fortunæ Neronis, qui sequitia fuit horrenda in fratrem, uxorem, matrem, in omnes denique: Urbem incendio, corpus stupris, animum flagitijs, omnia cruenta nece fœdauit. Animo trepidus

Cardanus in libro centum geniturarum. *genitura qua dragesima.*

Sueton. in Nero. ne ca. 6.

98 *Observationes Astrologicae.*

etiam ad ipsa facinora, valetudine firmus, anno 18. Imperium orbis matris fraude adeptus, 32. ætatis scelere proprio cum vita simul amisit, manum publicæ pœnæ timore inferre sibi compulsus. Mirum est, cur Astrologus tam disertus nullam ex Astris istorum causam attulerit.

Altera genitura est Pauli III. iam libata de qua Sixus scribit, quod non est prætermittendum. Alexander Farnesius, qui postea appellatus fuit Paulus tertius, quæsiuisse (falsò ut opinor) narratur, post defunctum Leonem X. Pontificem ex Paride Ceresario Manuano Astrologo: Primum an ex defluxu lyderû spes aliqua summi sacerdotij consequendi, ac successionis in locum demortui, affuigeret. Secundò, fin eo tempore nulla, quando tandem summus Pontificatus expectandus. Tertiò, quid interea magnoperè notatu dignum sibi accideret. Quartò, de vitæ suæ spatio. Hæc ita colligit Hieronymus Cardanus, ex scripto quodam iuuento

*Observationes Astrologicae.* 99  
inter arcana occisi Petri Aloyfij,  
oblato sibi à Ioanne Maona Pi-  
sano à secretis Ducis Cæsarei e-  
xercitus, quòd sic habebat.

---

Copia capituli literarum excel-  
lentissimi Astrologi.

**R** *Euerendiss Domine; Vidi,  
& cum summo studio, ea,  
quæ ad me transmisti circa ge-  
nituram V.R. D. & diem natiui-  
tatis, quæ fuit 28. Februarij hora  
6. min. 46. ante meridiem, anno  
1468. Cuperemus recursum syde-  
rum satisfacere desiderio tue R. D.  
his proximis comitijs Verùm sy-  
dera nunc non sunt disposita, sed in  
aliud tempus erunt benigniora.  
Pollicentur enim assumptionem  
ad summum gradum Pontificatus  
anno Domini 1534. qui erit annus  
vite 66. dies 253. hora 9. min. 34.  
ex directione Solis ad trigonum  
Mercurij cum testimonio Iouis, &  
Saturni, At interim non leue pe-  
riculum in aquis anno 61. mensib.  
6. diebus 3. ex directione Lune ad*

100 *Observationes Astrologicae.*  
*quadratum Saturni . Anno 81.*  
*diebus 68 1549. D.V.R. graviter*  
*se habebit cum magno vite discrimi-*  
*mine, quæ dies erit 4. vel 5. Maij,*  
*ex directione horoscopi ad suum tri-*  
*num, qui pro quadrato habetur, eo*  
*quia est in signis breuium ascensio-*  
*num, cum testimonio Saturni do-*  
*mini terminorum illius direction-*  
*is. & sine auxilio Iouis, cum non*  
*reperiatur in aspectu trino, vel op-*  
*posito in ista directione. Posset ta-*  
*men presentia Iouis conferre, quod*  
*nos non credimus. Addit Carda-*  
*nus hæc ille vir penè diuinus: at-*  
*que diuini illius prognostici in-*  
*terpretationē aggreditur: quam*  
*si quis ex scriptis ipsius Cardani*  
*requirere volet, & cum mea hac*  
*in re sententia conferre, videbit*  
*proculdubiò, quantulus ille fue-*  
*rit, in prædictionibus, hic in fe-*  
*rendo iudicio.*

Omninò fabula est ab isto Ioan-  
ne & Maona inuenta, vt Astro-  
logiæ famam conciliaret; nam  
qui homines, qui dæmones pos-  
sent dicere, talem virum sum-  
mum Pontificem renunciandum  
tali die, tali hora, tali minuto,

idque extrinſe Mercurij, & cui vix tenuiſſimum ſacellum aliquis daret, huic primam tiaram aſcribere?

Tertia eſt Guſtaui Adolphi Regis Sueciæ, de qua ſic Argolus. Stella noua apparens anno 1572. in fede Caſſiopeæ in horoſcopo Regis.

Anno 1630. circa initium ſubſtitutio prætextu bellum mouit Imperatori Ferdinando Auſtriacō, pluribus cum prælijs victor extitiſſet, anno 1632. tandem in conſictu cum imperialibus die 16. Octobris, accepto prius vulnere in brachio, alijsque poſtmodum interiit, die ſequenti inter mortuorum cadauera, vti Catilina, repertus eſt. ſcripſeram anno ante cuidam eminentiſſimo has directiones propinquas exitium minari. In aſcendente, & occaſu ſtellæ violentæ. Iupiter dominus aſcendentis in ſigno violento, in quadrato Martis, & Saturni diametro: Luna propè caput Medusæ ſeruata latitudine: Sol cum ſtellulis maleficis, quas tantum magnificat Carda-

nus pro exitu violento. Dirigebatur Sol ad Saturni oppositum, & quadratum Martis. Lunæ erat directione inter pleiadas & medium cæli cum Marte, & quadratis Iouis, & Saturni.

Ex ijs apparet quàm frivola, quàm inanes sint coniecturae. Rex enim Sueciæ quem 16. Octobris fato functum putat, mortuus est 16. Novembris, ut habet historia militis Sueciæ. Destructo igitur fundamento, tota illa opinionum machinatio corruit.





OBSERVATIONES  
RECENTIORES,  
QUIBUS

FALSI ARGVI,  
Convincique Iudiciariorum  
Astrologia Possit.

PRIMA OBSERVATIO.



Nus ex Astrologis  
vir nobilis, & pe-  
ritæ in hac facul-  
tate planè cōsum-  
matæ, scripsit ho-  
roscopum spectatissimæ fœminæ  
accurato studio, & opera singu-  
lari: pinxit tamen potius præsen-  
tia, quàm diuinavit futura.

Dixit imprimis eius tempera-  
mentum esse sanguineum, non  
nihil in melācholiā declinans,  
quod spectanti cuius ex vultu, &

conuictu erat obuium. Dixit formosam quod penè cæcis patebat, nec tamen ex arte. Nam cum Saturnus eius ascēdenti admodum potens impendear, debuerat certè habere formam quam illi huic Planetæ præsertim in prima domo existenti omnes adscribunt. At quid Schonerus? *Qui Saturno primam genturæ sedem obtinente nascetur, erit homo deformis, infortunatus, inuenustus.* Quid Pezelius istorum curiosissimus qui ferè omnia ab antiquis, & recentioribus dicta, in vnum fascem congeffit? *Saturnus forma significator, largitur oculos magnos, quancumque etiam in vno eorum maculam, aut etiam vnum maiorem altero, magnam faciem, fœdum aspectum, capillos nigros.* Est tamen facie eleganti sine vllō næuo, planè flaua, & aspectu gratissima.

Dixit ingeniosam ex geminis ascendentibus, ex Mercurio, in exaltatione sua constituto, & inde Horoscopus aspiciente, ex Luna plena luminibus: Et istud quidem non insipidè iuxta placi-



ta S. Thomæ. Sed res aliunde manifesta ex ingeniosis parentibus quibus hæc edita, ex cultura animi, qui à teneris variorum librorum lectioni assuevit, ex acutè dictis, & polite scriptis, quæ vix vlla ars studiosorum assequi possit.

Mores dixit inclinare in honestatem, bonitatem, liberalitatem, modestiam, suavitatem, inspergi autem à Saturno severitatem, constantiam : solitudinis amorem, silentium, fastidium, dissimulationem. Potuit hæc ex consuetudine melius, quàm ex coniunctione Iovis, & Lunæ, quæ in hac genesi perspicua est, cognoscere; quamquam & Cicero hanc Syfi-  
giam iuxta Astrologos vehementer probat.

*Libro de  
divinatione.*

Dixit diuitem opulento patre natam, opulenti mariti sponsam: Quilibet hoc sine Astris facile dixisset.

Hæc igitur quæ ante oculos sunt, ex proclui Astrologi denuncient : At ubi de casibus futuris agitur, in ignotam veniunt Regionem, ubi multa peccant, multa mentiuntur.

106 *Observationes Astrologicae.*

De felicitate inclytæ mulieris loqui mathematicus cœpit, & pronunciauit illi totius vitæ cursum fore longum, fortunatum, illustrem, plenum quietis, iucundissimæ voluptatis, honore, & gloria circūfluentem, lētis vbiq; rerum successibus coronatum.

Hoc, inquit, præstant Saturnus in geminis supra terram positus, in sua triplicitate, directus, citus, orientalis, procul à sole, & sine aspectu Martis.

Jupiter super terram; in sua triplicitate, in vndecima domo, prospero aspectu intuens Venerem, & Mercurium, liber à radijs, & à malis aspectibus infortunatorum.

Mars in domo sua, in quinta, aspiciens Venerē, nec malè aspectus à Saturno Sol in quarta domo, nec afflictus à maleficis: Venus in tertia, in dignitatibus Solis, motu cita, non combusta, bene ad Iouem affecta.

Mercurius in suggestu dignitatis collocatus, in angulo occidentali, directus velox, & in Iovis Antiscio.

Luna

Luna conditionarium lumen  
plena luminibus, applicans Ioui,  
& in trino partili Veneris.

Animaduerte, lector, quàm  
deliciosa somnia, nihil non astra  
felicitatis promissere, sed solenni  
Astrologorum mendacio. Illa  
enim, quæ ridentis fortunæ cre-  
debatur Amasia, vidit se, & cir-  
ca se omnia concuti, vidit quic-  
quid in vita charum habebat,  
atroci calamitatis turbine per-  
celli, vidit sua diuelli viscera,  
totam iactari, & prosterni do-  
mum. Tulit iratum Iouem, &  
fulmen. Eripuit se tempestati per  
tot tempestates, experta terræ  
marisque immensa pericula, la-  
bores immensos, supra sexum,  
supra fidem: Nihil habuit inco-  
lume præter ingentem spiritum,  
& animum victorem fortunæ  
tam immaniter sæuentis. Adde  
quod eo anno, quo tam funesti  
casus contingere, Astrologus ni-  
hil aliud suspicabatur, quàm leuē  
morbum, aut nullū, ex directio-  
ne oppositi Martis ad Lunnā. De-  
inde quis credat fallacibus nu-  
gis? quis futura nisi Deus dicat?

## SECUNDA OBSERVATIO.

**N**atus erat viro Illustrissimo, atque Integerrimo filiolus vnicus, ingenti parentum gaudio, & omnium amicorum plausu: libuit Astrologis tentare quid astra promitterent, ac primum an vitalis partus videretur, de quo sic pronuntiatum.

Grandes esse, & fortes coniecturas, quæ puero virilem pollicerentur ætatem. Quippe signum ascendens esse Caprum, quem robustis corporibus Manilius, & Pontanus attribuunt: Sicque naturam iecisse vitæ fundamenta per solidum. Adde quod nullus sinister infortunatorum aspectus vitæ fontem inficiebat; Sol verò primam domum occupabat, qui iuxta Cardanum longæuos hic præstat. Ambo luminaria à maleficis libera, nisi quod Mars quadrato admodum platice Solem perstringebat, quem tamen aspectum Iupiter, & Venus horoscopo penè affusi strenuè mitigabant. Nihil timendum infan-

tiæ,

*Observationes Astrologicae.* 109  
tiæ, præter leuiculos morbos, pericula si quæ ab astris, in seros annos differebantur.

Post hæc effata, extinctus est anno sexto ætatis voluente suauissimus infans, cui mirabile ingenium, opes immensas, maximos honores cælum (vt ipsi aiebant) spondebat. Erant illi gratiæ, & Veneres mirificæ, iudicium supra annos admirationi fuit. Citas opes ingenij natura profundebat, quasi instantis præsaga fati, vt ostentaret quid perderemus.

### TERTIA OBSERVATIO.

**A** Dolefcēs summo loco natus, acri ingenio, moribus iam nimis leueris, & castigatis, excitauit curiositatem eorū, qui natalitias horas scrutantur, & quæsitum quæ fors eius foret. Inuentus Astrologus, homo sua opinione omnium Coryphæus, qui summa cura pertexeret horoscopum. Denunciauit illi militiam grandem, & laboriosam, qui ad lenioris vitæ otia planè  
na-

10 *Observationes Astrologicae.*  
natus censebatur, mortem quoque in acie inter palmas Martias, laurosque victrices. Digessit in multos annos vitam, quæ prima adolescentiæ face, miserè abrupta. Totum se tradiderat literis, in quibus pro ætate mirificos progressus fecerat, de armis nihil cogitabat. Erat corpore formoso, & satis vesco, valetudine iam afflicta: Nec operosum nobis fuit diuinare secundum illi climactericum decretorium fore; nam eodem magno omniū qui eum nouerant, luctu, desijt esse inter viuos.

#### QUARTA OBSERVATIO.

**P**Ver nobilissimus aurea indole præditus, adhuc quinquennis mirandos ingenij igniculos prodidit, & cum septimum ætatis annū ageret, felicissimam habuit memoriam, fuitque sagax interrogando, acutus respōdendo, nec indicando præceps. Cœpit interpretari, argutari, disserere, eloqui, studiorum amantior, quàm lusionum. Ferebatur in ardua

*Observationes Astrologica. III*

dua supra spem, supra annos,  
subdente stimulos gloria, nec fa-  
cundiam ingenio præcipitabat.  
Quæsiuere Astrologi quàm dex-  
tro usus nascendo Mercurio, nec  
quid volebant sunt assecuti.  
Aiunt enim, si *Mercurius*, & *Luna*  
bene affecti fuerint, & sese mu-  
tuo benignis radijs aspexerint, effi-  
ci quoddam commercium inter  
animam rationalem, viresque re-  
liquas, ex quibus ingenium præ-  
stans, vegetumque conflatur, si cō-  
trario modo se habuerint, hebes  
tardumque procreari.

At in eius genesi nulla pror-  
sus affinitas Mercurij, & Lunæ:  
Hæc enim in Ariete, ille in Vir-  
gine. Est quoque in sexta domo  
positus admodum degeneri, quæ  
nullam cum ascendente commu-  
nionem habet; vnde igitur hoc  
ingenium tam florens, & lætum?  
Sæpissimæ dixi Astrologiam iu-  
dicantem, qualis à multis tradi-  
tur, nimis operosè per dulces fa-  
bulas illudi. Quæ iuxta Physi-  
cam dicuntur, multo sunt vici-  
niora veris. Solis, & Lunæ affe-  
ctiones in componendo ingenio



longè sunt efficaciores, quàm  
 quilibet Mercurius. Opus est ce-  
 rebro humore conuenienti irri-  
 guo ad fatus disciplinæ accipien-  
 dos, memoriamque fouendam.  
 Itaque cum hic puer Lunam ha-  
 beat in ariete signo igneo, hanc  
 plenam luminibus ad trinum  
 Solis aspectum properantem nō  
 deest illi humidi, calidique tem-  
 peries, vnde cōmodissimum tem-  
 peramentum exsurgat. Cætera  
 quoque via naturali procedenti-  
 bus procliniùs occurrunt. Est in-  
 signi pulchritudine propter Lu-  
 nam, & Venerem, quæ se ex dia-  
 metro aspiciunt. Temperamen-  
 to est calido, & humido, ob So-  
 lem, Iouem, & Venerem qui in  
 ascendēte vim magnam habent.  
 Coniunctio duorum planeta-  
 rum maximorum in ascendente  
 dat illi mores, si Ptolomæo fides,  
 liberales, honestos, ciuiles, gra-  
 ues, & iucundos, æquos, iustos,  
 gratos, amabiles, auidos gloriæ,  
 & proprii tenaces iudicii. Cre-  
 ditum ab antiquis hanc Syfigiam  
 miscere lætis prospera, textum-  
 que vitæ diuersis casibus varia-

re, quod expertus ipse est difficilibus morbis à tenero conflictatus. Et si quod D<sup>no</sup> Thomæ placet in libris de generatione liquidum est, aspectus planetarum ad finitorem circulum vitæ periodos prosperæ, improspereque per morbos aut casus indicare: non vano augurio dictum, circa annum septimū, aut octauum ægrum fore, ex directione Saturni ad signum ascendens. Nam tum fuit longis, & difficilibus morbis implicatus. Aiunt trino septenario, & quarto noueno, instare molestas directiones, quas si vicerit, mira promitti. Nec tutam infantiam ante primam Eneadem. Sed hæc Prouidentia committenda.

### QVINTA OBSERVATIO.

**S**peculatoribus celi datus est horoscopus viri pij, & ingeniosi, multisque periculis iactati, qui eos valde perplexos habuit.

Hic ætatis mense quarto hernia grauitè laborauit.

Anno decimo cataractę illi in  
ocu-

514 *Observationes Astrologicae.*

oculis nati, qui cœcitatē proximè minabantur.

Ab anno decimoquarto ad decimumnonum quotānis sub solstitium æstium febribus laboravit.

Anno decimonono fuit ictericus bile flava in cutem exundante.

Anno quadragésimo maligna febre correptus, quæ per triginta dies continuò in venis, & visceribus nulla relaxatione stetit.

Anno quadragésimo primo acerbè cruciatus dolore renum, vrinisque sanguineis, quas per biennium emisit.

Anno quadragésimo secundo periculis maris expositus, naufragium passus est, & vix emerfit ex abyssu.

Hic certè scopulus Astrologorum in vno homine tot casus, iactatio tanta, tam diuersa discrimina. Natus anno 1575. Augusti decimo nono, hora decima sexta, adhuc stat, adhuc viuit. Videant directores, & ostendant, si possint, tot morborum, ac periculorum causas, versent,

&

*Observationes Astrologicae* 115  
& reuoluant ubi volent horosco-  
pum, modò omnia ad certos cal-  
culos reuocent, quod præstare  
hactenus haud potuerunt.

## SEXTA OBSERVATIO.

**N**ata est quædam puella no-  
bilis, pia, & ingeniosa an-  
no 1616. Octobris die 27. hora  
5. post meridiem minutis 30. Mi-  
ra illi multa contigere. Mater  
puerpera, dum eam gestat in vte-  
ro, laboravit feбри quartana diu-  
tina, per totum tempus puerpe-  
rij. Nata in summo discrimine  
matris, & suo. Venit in mundū  
ferè nulla, & tota villosa. Anno  
secundo ætatis pro deplorata ha-  
bita. Arsit ferè in lecto, flamma  
cubiculum occupante. In aquam  
septennis cecidit prono capite, à  
matre raptim accurrente libera-  
ta. Nouennis à lupo ferè rapta,  
qui dimissa illa iuuentem proxi-  
mè pascentem inuasit. Vixit ferè  
semper in carcere, vita eius mor-  
bus continuus.

Ingenium illi stupendum, nec  
tamen Mercurius fortunatus,  
cum

116 *Observationes Astrologicae.*

cum sit peregrinus, & in deiecta  
cæli domo. Non potuere ædipi  
tot casus ex astris diuinare, nec  
euentus rerum directionibus as-  
sequi: promissere honores ma-  
gnos, quia luminaria cum fixis il-  
lustribus vt potè Sol cum corona  
boreali, Luna cum oculo Taufi  
in aspectu Iouis; sed tota illi glo-  
ria in virtute, & cruce.

SEPTIMA OBSERVATIO.

**N**atus viro nobili filiulus,  
anno 1649. Iulij die 7.  
hora 16. min. 30. erat eximiè for-  
mosus, & placidè nutriebatur a  
matre. Inerant omnia vitæ, &  
valetudinis signa, Sol cum Ve-  
mere Horoscopo affusus omnia  
fausta, & candida polliceri vide-  
batur. Libuit tamen tentare A-  
strologum virum honestum, &  
valde eruditum, vt ex arte quid  
sentiret loqueretur. Is statim vbi  
vidit Saturnum in duodecima  
domo Geminorum Lunam par-  
tiliter affligentem, vbi aspexit  
Martem quadrato in eandem  
radio incurrere, nec istud plati-  
cè,

cè, sed proximè . Vbi perspexit  
Lunam dominam ascendentis  
esse Domino mortis copulatam,  
haud dubio dixit puerum aut iā  
mortuum esse, aut minimè diū  
victurum. Probavit edictum e-  
uentus : nec temeraria fuit con-  
iectura, cū præsertim Luna in  
ortum infantium, ætatemque te-  
neram multum sibi iuris vindi-  
cet; nec dubium, quin malè affe-  
cti varias infirmitates veluti de  
suggestu cæli pronunciet. Sed ne  
puteinus Astrologorum dicta ef-  
se immotæ veritatis oracula :  
deprehendi statim in genitura  
viri eximij, familiaris quondam  
mei, Lunam quoque a Saturno  
partiliter afflictam, idque in a-  
spectu Martis opposito. Domi-  
nam quoque ascendētis Lunam,  
copulatam adstrictè cum Domi-  
no mortis. In utroque Iouis be-  
nefica aspectu trino Lunam  
laborantem recreabat. Vnus ta-  
men undecimo mense mortuus  
est, alter ad annum ferè sexagesi-  
mum accedit. Quis in re simili,  
cū tam dissimiles exitus vide-  
rit,

118 *Observationes Astralogicae.*  
rit, certum aliquid in hac diuina-  
toria stabilire possit.

## OCTAVA OBSERVATIO.

**E**ditus in hanc lucem adole-  
scentulus anno 1637. No-  
vembris die 20. hora 2. min. 30.  
post meridiem. Omnia in eo ex-  
cellsa, & illustria. Natus enim est  
amplissima domo, referta diui-  
tijs, & circumfluente gloria, in-  
genio est optimo, & acri iudicio,  
gratia, lepore, venustate, ad om-  
nes aulæ artes iam factus, & cō-  
positus, forma admodum ele-  
ganti, alloquio comis, & pella,  
honestis, & excellis moribus.  
Nec tamen genesis tantis doti-  
bus villo modo respondet, vt in-  
telligamus esse aliquid in nobis  
supra cælum, & atra, quæ Deus  
magnis mentibus infundat. Nul-  
los planetas habet in dignitati-  
bus præter Saturnum, qui in api-  
ce cæli positus casus potius (vt il-  
li dictitant) quàm honores spon-  
det. Lunam affligit coniunctio-  
ne in Capro exulem, & deiectā.  
So)



*Observationes Astrologicae.* 119

Sol est in octava peregrinus, nullis radijs afflans Horoscopum. Mercurius sine dignitate est, in sede figuræ ignobili. Venus sola thronum medij cæli occupat, sed in tristi domo Saturni sedet, cum eo coniuncta. Quadratum Saturni directione veniebat ad horoscopum anno ætatis septimo, quod morbum aut casum aliquo inferre debuit. Nihil tamen passus est, nihil habet inter prospera, & adversa quod astris impu-  
tet, vivit ab ijs immunis.

NONA OBSERVATIO.

**S**cripsere nuper Astrologi Ho-  
roscopum insignis puellæ,  
quam propter eximias dotes ne-  
mo ferme hic ignorat. Mirifici  
sunt in predicandis quæ omnes  
norunt, & vident. Est igitur ab  
ijs descripta temperamento ex  
sanguine & bile mixto, specie au-  
gusta, moribus honestis, & illu-  
stribus, ingenio optimo, rerum-  
que eximiarum apprimè curioso.  
Est comitate, & affabilitate ser-  
monis præcipua, amat, & amari  
ho-

honestè cupit. Erga pauperes & afflictoſ facile miſericordia mouetur; & accipere ſe putat cum dat beneficium. Stimulus illi ingens honoris, & gloriæ, cuius ſuauiſſimos fructus deguſtabit, nupta marito potentiffimo, & opulentiffimo, forma quoque eximio. Experietur quandam luminis eccliſin, & ſolitudinem breuem. Sed nunquam fortunæ ſæuienti ſuccumbet. Hæc igitur in ore habent quæ omnibus ſunt obuia: nam ſubire interdum aduerſa quos conditio glorioſos fecit, nimis conſuetum eſt in rebus humanis. Vnum eſt quod puellæ auent audire, & illi ſi poſſint eloqui, de tempore coniugij. Tranſilicere illic fines, & dixere nuptam fore anno 1648. Iam nobis teritur quinquageſimus, nec dicto fides: Queruntur horam natiuitatis non eſſe iuſto calculo datam; æquis hoc poſſit, dum nobis rerum incurioſis tot tempora efluunt?

DECIMA OBSERVATIO.

**M**agnam quæstionem hoc sæculo Astrologis fecit acerbus florentissimi iuuenis casus. Hic fortune subuectus alis eò cōscēdit, quò ipsa audacia trepidare debuit. Erat potentissimo Principi in delicijs, nihil illi clausum, nihil restabat appetendum. Crescere nisi per descensum non potuit. Tot illi adoratores, quot aulæ mancipia, amicus tamen nullus. Metum fecit illi qui facere omnibus consueverat. Magnitudinem suam sensit, sed aulæ lubrica non consideravit. Cecidit non deuolutus, non deiectus, sed grandi & subito turbine impulsus: Cecidit de ipso Favoris sinu in cruentas carnificis manus, eo fato quo miseri solent, ea constantia, quam nemo exspectavit, omnes admirari sunt,

Hic, vt solent, effutient multa, statim dicent, ridentis illius fortunæ quæ prima iuuenem circumfulsit notas deprehendi in Venere, quæ in Tauro sua nempe

pe domo constituta, in nono quoque cæli templo sedet. Dicent in apice figuræ, & maiestatis throno repertum Tauri oculum, stellam primæ magnitudinis, quæ inter Regias munerari solet, confertque stupendas, sed lapsui obnoxias felicitates. Tragicam autem vitæ catastrophem ascribent Ioui, Marti, & Soli, in octava domo, in qua mortis imperium est, collocatis: tamquam hîc Iupiter vt iudex iubeat, Mars vt carnifex occidat, idque Sole præsentem, ob mortem publicam, & illustrem. Quis non videt hæc allusione ad Deos Gentilium esse conficta? Deinde si hæc tam certa, cur omnes in calculo varij sunt? Cur nemo fatalem illam horam tam insignem, plena, & indubitata directione potuit vnquam demonstrare? Remittamus ista ad lamix turres, & mæra ingenij curiositate lasciuientis figmenta.

V N D E C I M A  
OBSERVATIO.

**V**ir Heroibus satus, & Heros ipse celeberrimus, forma eximius, amplo pectore, liberali manu, Martio vigore intrepidus, magnarum virtutum comitatu undique septus, palmis, & trophæis conspicuus, in omnium oculis, in omnium ore, sensit acerbam Nemefin, gladii, &que sævientis, magna bonorum miseratione, ingenti suorum luctu, & præcipuè illustrissimæ coniugis, quæ særè sponsum supra Artemisiam luxit.

Quæsiuere Astrologi Itali unde illa mors viro tot nominibus immortalitate digno? Vnus inter illos spectatissimus ait.

*Plurimi Aphorismi perniciem minabantur. Saturnus quadrangularibus radijs Solem respicit in signis fixis. Luna Domina octava in signo violento, in Solis quadrato, ac diametro Saturni, cum stellis Andromeda Apheta pars fortunæ in opposito Martis, & ascendens*

324 *Observationes Astrologicae.*  
*cum violento corde Scorpii. Mer-*  
*curius dominus loci Aphetici, oc-*  
*cidentalis, peregrinus inter Pleia-*  
*das cum quadrato Saturni. Iupi-*  
*ter Dominus ascendens, & octa-*  
*ua, ob exaltationem cum Venere*  
*Domina medij celi, quod Regem*  
*significat. In octava Hercules stel-*  
*la violenta. Sed hæc quàm pusil-*  
*la, quam infirma, & in qua ge-*  
*nesi hæc, & similia non reperiun-*  
*tur? Saturnus (inquit) quadrat-*  
*ularibus radius Solem respicit.*  
*Sed platicè, & imperfectè, cum*  
*Sol sit in nono gradu Tauri, Sa-*  
*turnus in decimo septimo Leo-*  
*nis. Luna in signo violento: cur*  
*violento? cum sit in Amphora in*  
*signo calido, & humido (ut aiunt)*  
*vitæ admodum conuenienti? Sed*  
*Luna in Solis quadrato: quid tū?*  
*duram legem facimus rebus hu-*  
*manis; si omnes violenta morte*  
*occumbere oportet, qui in qua-*  
*dratis Lunæ ad solem nascun-*  
*tur. Apheta pars fortune in oppo-*  
*sito Martis. Vanum istud fortu-*  
*næ nomen, & artis ludibrium,*  
*quod saniores Astrologi non ob-*  
*seruant. Ascendens cum violento*  
*cor-*

*Observationes Astrologicae.* 125  
*corde Scorpij.* Imò longè abest,  
cùm cor Scorpij sit in quarto  
gradu, ascendens in duodecimo.  
Deinde hoc nihil efficit nisi hoc  
loco stimulentur à Planetis. Ni-  
hil istis leuius, & tamen faciunt  
ventis pondus, & sperātium cre-  
dulitas, & error insipientium.

## D V O D E C I M A OBSERVATIO.

**V**ir maximæ profapiæ, cele-  
berrimi nominis, specio-  
sissimis vndique fulgens orna-  
mentis, in quem omnium oculi  
defixi erant, omnium ora con-  
uersa, cui summa omnia fata pol-  
liceri videbantur, extinctus est  
igne, & ferro in ipso ætatis flo-  
re, & honorum fere culmine. In-  
gemuit orbis tam afflictæ fortu-  
næ, dedit lachrymas humanitati,  
dignitati venerationem.

Quæsitum, an in astris aliquid  
esset, quod tam crudæ acerbitati  
causam dedisset. Vnus mathe-  
maticus qui de trinitio numquam  
haberi voluit, sed in suo pectore  
totius artis arcana claudi sem-



per existimauit, tantum mali scriptum esse conflatum, quod Saturnus inimicus esset horoscopo, qui utrique in Cancris gradum decimum nonum incidit, & Caprum Saturni domum habet in opposito. Quam leue istud! quam frivolum! quasi non multae Genes inueniantur ascendente Cancro fortunatissimae, & hoc quidem saeculo regnatrices exire. Nec melius quod addit eundem Saturnum in sexta domo, quae seruis, & morbis, adscribitur, inueniri. Quid hic cum seruis, & morbis? aberrat sanè toto cælo, nec valet, quod fingit maleficum planetam huius domus praesidem cum corde Scorpii pestifera stella esse coniunctum: distat enim decem gradibus: quod discrimen maximum facit: expectabam tandem directionem, quae tanti casus tempus liquidissimè notaret: At hic nihil habuit, praeter triangularem aspectum eiusdem Saturni toties citati, qui tam tetram, tam funestam, tam detestandam omnibus bonis eandem signaret: oportebat sanè Sa-

*Observationes Astrologica.* 127  
turnum, & Martem toto corpore, toto impetu concurrere, non trinum, qui utique multis & beneficus, aut certè leuiori nota maleficus. Consideratius aliquid dixisset, si tantam tragœdiam in caput Medusæ, & caudam draconis, quæ cum sole sunt, & in Syfigiam Martis, & Lunæ in signo violento remisisset, sed coniecturas istas missas facimus, nec imputamus astris, quæ malitia hominum pertexuit, crudelitas operata est.

**F I N I S.**





BONONIÆ, MDCLII.

---

Typis Caroli Zeneri.  
*Superiorum permissu.*

005651573



